

सानसेयारि 'बड'सा' ख्रौरांलाइयाव  
समाजयारि जिउजो लोब्बा थानाय रायथाय, खन्थाय,  
सल', सल'बाथा आरु देवबायारि थावनि, पार्क  
बाइदिनि सायाव लिन्नाय लिन्बिदां देथाय हर/  
सानसेयारि 'बड'सा' ख्रौरांलाइया खेबखानानि  
फोसावगोन।

बड'सायाव लिन्हरनायनि हुबा खालाम,  
'बड'सा' ख्रौरांलाइया, जो बयबो आंगो खालाम।

सानसेयारि बड'सा मावखलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Monday ★ 18 January, 2021 Kokrajhar, BTC, Assam ★ Vol.- 30, Issue No. 291 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

## गलाघाटआव खुंनाय शिल्पी दिवसनि बान्था रान्नाय हाबाफारिआव गिबि मन्थिआ बाहागो लार्दो

(शिल्पीफोरनि अनगायै  
मोनसे समाजआ थाजिम  
जानो हाया : सनवाल)

दिसपुर, 17 जानेवारी: शिल्पी एबा देखोगिरिनि  
अनगायै मोनसे समाजआ थाजिम जानो हाया। रुपकंवर  
जतिप्रसाद आगरवालाया असमीया राइजो-रजाफोरनि  
जिउनि सासे देखोगिरिमोन। जेनाफोरखो जानगाखोनाने  
राइज्योनि हारिमुखो फसथानो हादोमोन बे गेदेमा  
देखोगिरिनि बिहोमा होलांनय आदर्शआ। दिने गलाघाट  
सहरआव खुंनाय 2021 माइथायनि शिल्पी दिवस  
आरो शिल्पी बान्था रान्नाय (□ 5 बिलाइआव)



कलिता जनगस्टी सन्मिलननि  
मिरु जथुम्मानि लाइखुन्था गायदो



भवानीपुर, 17 जानेवारी: फेगो 29 आरो 30 जानेवारीखालि  
साननैन हाबाफारिजो खुंनो गोनां कलिता जनगस्टी सन्मिलननि  
मिरु सरुपेटा जथुम्माखो खुंनायनि थांखिजो दिने लाइखुन्था  
गायसनाय जायो। सरुपेटानि मिलन मन्दिरनि बाखरिआव मिरु  
जथुम्माखो खुंफुनो थाखाय लाइखुन्था (□ 5 बिलाइआव)

बि टि आर मावफुं सोद्रोमा अरुप कुमार देआ  
तामुलपुरनि देहा फाहामसालियाव नायगिदिं हैदो

तामुलपुर, 17 जानेवारी: बि  
टि आर खुंथायनि गोदाने  
बिसायख'जानाय मावफुं  
सोद्रोमा अरुप कुमार देआ दिने  
हरखाव तामुलपुर ओन्सोलनि  
देहा फाहामसालियाव नायगिदिं  
हैनाने खौरां लायो। बि टि  
आरनि दर 4 जिल्लानि गुदि  
देहा मिरु आरो सरकार  
देहाफाहामसालिफोराव राइजो-  
(□ 6 बिलाइआव)



बाकसायाव सा 225 सुबुंफोरखो  
कभिड भेक्सन होगोन



बाकसा, 17 जानेवारी: गुबुन राइज्योफोरजो लोगोसे  
हादतनि सिडव थानाय गुबुन  
आसामआवबो कभिड भेक्सन

होनाय हाबाफारिया मैयानिफ्राय  
जागायजेन्दो। राइज्योनि गासे  
65 भेक्सन होनाय मिरुफोराव  
मैया जागायजेन्नाय हाबाफारि  
बायदियै भेक्सनखो गोबां  
सुबुंफोरनो होनाय जायो।  
राइज्योनि गुबुन गुबुन  
जिल्लाजो लोगोसे बाकसा  
जिल्लायावबो मैयानिफ्राय  
(□ 5 बिलाइआव)

माजबातनि एम एल ए चरन बर'आ उदालगुरि जिल्लायाव  
मोन 3 बिथांखिनि अन्थाय खाम्फा गाइसन्दो

उदालगुरि, 17 जानेवारी:  
माजबात बिधान सभा बियाबनि  
एम एल ए चरन बर'आ  
दिने रबिबारखालि उदालगुरि  
जिल्लायाव मोन 3 बिथांखिनि  
अन्थाय खाम्फा गाइसन्दो।  
उदालगुरि जिल्लानि  
(□ 5 बिलाइआव)



सलुबारिआव सिल्लि दिवस  
फालिनाय हाबाफारिखो  
देखो रोजाबनायजो  
मेहेरगोनासिन खालामदो



बासुगाव, 17 जानेवारी:  
रुपकु वर ज्योतिप्रसाद  
(□ 6 बिलाइआव)

कभिड-19 नेमखान्थिनि गेजेरजो बाक्सानि  
सुबनखाताआव 69 थि मागो मेलाखो खुंफुंदो


बाकसा, 17 जानेवारी:  
बाकसा जिल्लानि भारत-  
भुटान सिमायाव थानाय  
सुबनखातायाव कभिड-19 नि  
नेमखान्थिनि गेजेरजो 69 थि  
मागो-मेलाखो खुंफुनाय जादो।  
मख'जाथावदि, गुबुन गुबुन  
(□ 5 बिलाइआव)



कक्राझार सहरजो नांजाबफा  
गोजोनफुरिआव सिखावनि उत्तखार

(25 रोजा रां आरो 3 लाख रां बेसेननि सना लुथिनायनि अजद)

कक्राझार, 17 जानेवारी:  
गोदान बोसोरखो बायदि  
रोखोमै बरायनाने आरो मागो  
दमासिखो गाब गोनाडे रंजा-  
बाजायै फोबो महैर फालिफुवाय  
थानाय बुब्लियावनो सोरनिबा  
(□ 5 बिलाइआव)



गसाइगावआव सिल्लि  
दिवस फालिदो

गसाइगाव, 17 जानेवारी:  
दुलाराय राइज्योजो लोगोसे  
लोब्बा लाखिनाने दिने  
गसाइगावआवबो रुपकंवर  
ज्योति प्रसाद आगरवालानि  
थेनाय साननि लोब्बायै सिल्लि  
दिवस फालिनाय जायो।  
गसाइगाव दालाय साहित्य  
सभानि बान्जायनायाव सहर  
(□ 5 बिलाइआव)



सदराव थानाय कमलनाथ क्लब  
काम लाइब्रेरिनि लांगोनायाव  
(□ 5 बिलाइआव)

मिरु बिसायख 'थि आयगनि  
कमिसनारआ दिने आसामआव सौफैगोन

गुवाहाटी, 17 जानेवारी:  
भारतनि मिरु बिसायख 'थि  
आयगनि कमिसनार सुनिल  
आरारनि दैदेन्नाय मोनसे  
गोजो थाखोनि थान्दै हान्जाया  
गाबोन 18 जानेवारीखालि  
आसामआव सौफै गोन।  
मिथिनाय बायदिब्ला मिरु  
बिसायख 'थि आयगनि  
कमिसनारनि दैदेन्नाय थान्दै  
हान्जाया सानथामनि  
हाबाफारिजो गुवाहाटीयाव



सौफै गोन। आयगनि समाव आलादा-आलादायै गोनां  
बिबानगिरिफोरा सानथामनि मेल जथुमगोन। सुलुनि  
हाबाफारिजो दावबायफैनाय (□ 5 बिलाइआव)

कक्राझार जिल्ला एबसुनि खुंगा 52 थि बोसोरसालिया  
जथुम्माखो 19 आरो 20 जानेवारीयाव खुंगोन

(गेवलां मेलाव जरखा आलासि महैर बि टि आरनि  
गाहाय खुंगिरि प्रमद बर'आ बाहागो लागोन)

कक्राझार, 17 जानेवारी:  
कक्राझार जिल्ला दुलाराय बर'  
फरायसा आफाद आरो बान्जाय  
आफादआ इराजी गोदान बोसोर  
2021 माइथायनि गाहाम  
हामबलायथिनायखो  
बयनिसिमबो जासि हरनायजो  
लोगोसे मिथिहोदोदि, कक्राझार  
जिल्ला दुलाराय बर' फरायसा  
आफादनि खुंगा 52 थि  
बोसोरसालिया जथुम्माखो  
सोलिफु जानेवारी दाननि फेगो  
19 आरो 20 अक्टखालि

साननैन मेहेरगोनां हाबाफारिजो आफादगिरि जनक उजिर,  
जिल्लानि सिडव थानाय गाहाय नेहाथारि सोमदोन ब्रह्म  
सिम्बोरगावनि माइनाव नोगोर आरो बान्जाय आफादनि  
फोथाराव खुंनो बे समाव आबुडे मासिगिरि बोगदाद बसुमतारि  
लाहार-फाहार जाबाय। आरो लेंथुमगिरि रतिनन्द्र  
कक्राझार जिल्ला एबसुनि (□ 5 बिलाइआव)

कक्राझार जिल्ला गर्खा  
फरायसा आफादनि बोसोरारि  
जथुम्माया जोबलांबाय



कक्राझार, 17 जानेवारी: दुलाराय आसाम गर्खा फरायसा  
आसामनि कक्राझार जिल्ला आफादनि खुंगा 17 थि बोसोरसालिया  
जथुम्माया दिने जोबनाने थांबाय। गसाइगाव महकुमानि सिमलतापु  
गेलेग्रा फोथाराव मैयानिफ्राय साननैन (□ 6 बिलाइआव)

से कौटि रां लानायनि अजदआव सि  
बि आइआ रेलवे अफिसारखो खादो

गुवाहाटी, 17 जानेवारी:  
मिरुनि सं दानगा एजेन्सि सेन्ट्रल  
बिउर' अफ इन्भेस्टिगेशन  
सुंदयै सि बि आइआ  
रबिबारखालि से कौटि रां  
लानायनि अजदआव इन्डियान  
रेलवे इन्जिनियरि सार्भिसनि  
सेनियर अफिसारखो खादो। सि  
बि आइआ हादतनि गुबुन गुबुन  
गासै मोन 20 जायगाफोराव सं  
दान्नाय जायो आरो बे  
जायगाफोरनि गेजेराव आसाम,  
(□ 6 बिलाइआव)



दिल्ली, त्रिपुरा, उत्तराखण्ड  
आरो सिक्किमआव हरखाव सं  
दान्दोमोन सि बि आइआ।  
मिथिनाय बायदिब्ला 1985  
बेटसनि आइ आर इ एस  
अफिसार मनिन्द्र सिं सौहानखो  
(□ 6 बिलाइआव)

**चभ 'लिन**  
एन्टिसेप्टिक क्रीम  
आरो  
इमलियेन्ट

आरो गोजो आरो गुँरे बिगुरनि थाखाय

# सुजुगिरिनि खोलोम

## हाग्रा एवस्रानाय आरो बिफां फुलि गायनाय

सुबु समाजाव मोनसे हुदाखौ अरायसम नुनो मोनो, बेनो जाबाय हाग्रामा एवस्रानाय आरो दंफां दानस्रानाय। गामिनि सुबुफोरनि बाध्राल नड टाउन सहरनि सुबुफ्राबो सुबिदा लाना हाग्रामाआव हाबहैना दंफां दानना लानाबाय आरो गुबुनो फानहरनाय हुदाखौ गोदो गोदायनिफ्रायनो नुबोगासिनो दड। दिनेसिमबो सुबु समाजआव बेनि गोथौथै रोदा सुनाय हुदाखौ नागारनो हायाखै।

मानासनि सुबुफोरनि बाध्राल नड, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार। जिउ जुनाराबो हाग्रा बंग्रा, दंफां लाइफां नडबा जैरे थाउरिनो हाया, मानसि माहारियाबो जिउ खानो हाया। मिथिंगानि सोर्जिनायनि मादाव दंफां लाइफां, हाजो-हाला, दैमा दैसा, दैमु बाइदिसिना नडबा जिउ जुनातफ्रा दसेनि थाखायब्लाबो थाना थानो हाया। हाग्रा बंग्रा, दैसा दैमु गैयाबा बुहुमनि आबहावाआबो जिउ जिराद थाना थानो हायै बाइदि गुबुले जागोन।

सुबु समाजा दंफां लाइफांनि सायाव जैरे बाइदि सोनारो बेखौ साननो रॅन्ला हाग्रा बंग्रानि सायाव बे रोखोमनि अनगागर अत्यासारा जानाय नडामोन। हाग्रामाआव दंफां लाइफांनि अनगाग्यैबो गोबां रोखोमनि जुनार, दाउसिन दाउला, एमफौ एनला, मैगं मैला, थायो। गासिबखौबो मानसि माहारिनि गोनां जिउ खानायाव नांगौ। सुबु समाजा नांगौखौल मिन्थिनो रॅन्बाय नाथाय, बेफोर गोनां मुवाफोरखौ रेखा खालामनो दासिमहालागै सोलोडखिसै मानो ?

मोनसे सोनाय फैयो, दंफां लाइफांखौ दानस्रानो सोलोनो हागौबा, बेफोरखौ गायनो सोलोनो मानो रॅन्दिना ? गोदो गोदाय आबै आबौमोननि बिबै बिबौफ्रा गायना गालानाय दंफां लाइफांफोरखौ हागौमानि जौ दानस्रां जोबबाय जाय जैरे हागौ एरे। हाग्रामा गैयालाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय। कम्पिउटार, इन्टरनेट मुगानि सुबुफ्रा सानखानो रोडखिसै जौ थानो जैरे न'बां नांगौ, जुनारफोर थानोबो हाग्रामा नांगौ। जौनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दै मोजाडै गियान होनांगोन आरो बेफोरखौ मात्रै गायनांगौ, फोथानांगौ, फेदेरनांगौ, राहोनांगौ, आरो मात्रै रेखाथि होनांगौ, गोथौथै फोरेंनांगोन, मिन्थिनोनांगोन, दंफां लाइफां, हाग्रामा थायाब्ला जौबो थाना थानो हानाय नड बे बुहुमाव।

## दिनैनि फानजामुथि

### राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : तर बृश्चिक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

- मेष:** माखौबा लानानै सोरजौबा दावराव-दावसि जाफलांबायनो हागौ। गोसो हमथानाया गाहाम।
- बृष:** गोसोनि सान्नाफ्रा जाफुसरागोन। गोसोआव खुसिजौं वुफबगोन। जैरेथिबो मोजां।
- मिथुन:** माव लानाय खामानिखौ सोरजौबा हॅथा होजानो हागौ। सान्नाया जाफुनाय नड। लोरबां दाजा।
- कर्कट:** बहाबा दावबायहै नो मोनो हागौ। गोजोन्यायजौं समखौं हगार हरनो हागोन। मोजां दिन।
- सिंह:** माबा मोनसे मोनारनि सुजुग-सुबिदा मोनो हागौ। गोजोन्यायखौ मोनगोन।
- कन्या:** जेखि जाया मोजां हाबा मावनानै लानो हागोन। गोसोखौ गोजोन मोनगोन। दिनेनि साना गोथार सान।
- तुला:** दिने दिनाव मोजां खामानियाव आखाइ दाहो। सरासन्ना खामानिखौ मावनो हागोन।
- बृश्चिक:** मानिबा जाहोनाव गोसोखौ असास्थि मोनखानो हागौ। गोसोआ लोरबां दाखालाम।
- धनु:** सुखु-गोजौने नख'र दालानो हागोन। जैरेबो गोजोन्यायखौ मोनो हागोन। मोजां सान।
- मकर:** जेखि मावा मुलाम्फा मोनो हागोन। रंखावरि बुधुमनानै लानो हागोन। मोजां सान।
- कुम्भ:** नख'रनि मोजां खामानि मावनो हागोन। नख'र जौगानाय फैनो हागौ। गोथार सान।
- मीन:** सुथुर जालायनानै थानाया जोबस्रानो। गोजौने थानो हागोन। मोजां सान।

# बर'नि सल' बाथा आरो माहारियारी बेसेन

## मयलसिं हाज'वारी

बहुमाव बयनिबो हादर आरो माहारिनि गेजेराव सल'खिन्थानायनि खास्थि दं। सल' खोनासंनो बयबो मोजां मोनो। सल'खोनासंनो लुबैनाया सुबुनि जोनोमनिफ्राय मोन्याय आखु। गियान गेवलांसारनाय लोगो लोगो बे जोनोमनिफ्राय मोन्याय आखुवा लासैने दिदोम जाना संदानाय जायोब्लाबो सुबु माहारिनि साधारण थाखोनि बिदैं सोबनायनि जाय मोनसे सरासनस्रा बिथखो दं, बेखौ थांखि लाना मोनफ्रोमबो हारिनि गेजेराव मोनसे खुगा थुनलाइनि जोनोम मोन्दो। बेफोर मोनफ्रोमबो हारिनि खुगा थुनलाइनि मोनफा गाहाय बाहागो। खन्थाय आरो रायथायनि गेजेरजो खुगा सल'खौ फोरमायनाय जायो। खन्थायनि गेजेरजो फोरमायोब्ला बेखौ सल'थायमा आरो रायथायनि गेजेरजो फोरमायोब्ला बेखौ सल'बाथा एबा खुगा सल' बुनाय जायो। थामहिनबा खुगाजो खुगा सोलिबोनाय सल'खौनो सल'बाथा एबा खुगा सल' बुनाय जायो।

गेजेराव बायदि रोखोमनि सल'बाथा दं। जैरे-धोरोमारी सल'बाथा, जोहोलावनि सल'बाथा, जीव-जुनातनि सल'बाथा, गोमोथाव सल'बाथा बायदि बायदि। बर'नि गेजेराव आबै आबौनि सल'बाथा एबा बाध्रा होनाय गोदोनिक्रायनो सोलिबोनाय सल'बाथा दं। बेफोर जुग जुगानिक्रायनो बिनि खुगा बैनि खुगा सोलिबोनाय सल'। बर' माहारिनि गेजेराव रावना रावनिनि सल' मावरियास्रोन जोहोलाव, थुसिनास्रोन जोहोलाव, अलसियास्रोन जोहोलाव, थायगिरिनि, मायदास्रि हाराथेफा, दावरिगाव बायदि बायदि सल'बाथा दं।

बेफोर सल'बाथाफोरब बर'नि माहारिनि बायदि सावगारिया बेरखाडे। सुबुनि जोनोम जीव-जुनातनि जोनोम, बे बुहुमनि जोनोम जानाय जौ लोगोसे दैमा-दैसा, हाजो-हाला, बिफां लाइफांनि जोनोमा बौरै जाखो बेफोर बाध्राखौ बर' सलबाथाफोरब मोनो थाडे। दावरि गावनि सल'बाथायाव बिदा-फंबाय मैहुराव थाना बिदाया फंबायखौ खोमानांन

माबोरै दावरिगाव जाखो बे सल'खौ मोनो थाडे। बिदिनो चन्द्रमाली आरो खोथिया बुदानि सल' बाथायाव मंहर गोसा चन्द्रमालीया नायथावया जाथायवा खोथिया बुदाड गोसो थोनायखौ जोगारना सोगो राजनाव बिनि 'बिसार' नागिरना बोर बिनायाव जायनो बिखौ गोसो थोयो बिजोनि हाबा जानांगो होना बोर होयो। बिनिफ्राय बेखौनो फोरमायनो सान्दोदि खाफालाव लिस्नायखौ रावबो हुखोमोरनो हाया। मोजां गात्रि बासिब्लाबो जायजो खाफालाव लिस्ना हरदो बिजोनों जुलि जानांगो।

सल'बाथायाव थोजो एबा खँसालियायै बोसोन आरो खास्थि-गियान आखल फोरनाय जायो। रोजाबग्राया बायदि बिडै आरो मंहर गोनां मेथाय रोजाबै सल'बाथाखौ रोजाबलांनयाव गेजेर गेजेर बर' बाध्राफाव आरो सुबु फोथायनायखौ बेखेवना होलाडे। लोगोसे संसार जानायनि बायदि बोसोन मा खालामबोला मा जायो बेफोर खास्थि बोसोनफोरखौ बेखेवलाडे।

सल'बाथाया जैरे जाति गैया, बिदिनो बिहा जेबो धोरोम गैया। ख्रीष्टाननि सल'बाथा, इहुदीनि सल'बाथा होनाय जैरे गैया-हिन्दुनि सल'बाथा, मुसलमाननि सल'बाथा होनाय गैया। जाति एबा माहारियारीजो बिहा सियानिधि, धोरोमजो नडा। जैरे बर' सल'बाथा, बाडालीनि सल'बाथा, जार्माननि सल'बाथा बायदि बायदि। बाडली हरिया जैरे हिन्दु आरो मुसलमान धोरोमारीजो दानाय, बिदिनो जार्मान हरियाबो ख्रीष्टान आरो इहुदि धोरोमारीजो दानाय। बर'नि गेजेरावबो बाथौ, ब्रह्म, ख्रीष्टान, हिन्दु धोरोमारी दं। बर'सलबाथाफोर गावनि हारिनि सोदोमस्रिनि आगजुफोरजो दानाय। बेफोर गुबुन हारि एबा धोरोमनि सोलाव लानाय सल' नडा। बिदिनो बांला एबा जार्माननि खुगा थुनलाइया बे मोननै हारिनि थागिरिफोरनि गुबै हारिमु सोदोमस्रिनि बारजो सोमजिनाय सल'- रावनिबो दाहार लानाय नडा। आसामनि थागिरि बर' हारिनि सल'बाथाफोरा थारोनै रँसुमै गोदै, मिलौहाव, बिसिगि एबा बिलोगो बानाय, सात्रिजानायनि असिला लाना रोजाबगलाय

लायना हरानो सान, सानानो हर जालायनाय सल'बाथा खिन्था होनाय जायो। बेफोर सल'बाथाफोरब बर'नि आंगो सावगाफोरा बेरखाडे। लेडय सल' थामहिनबा दावमा-दावसानि आखुखौ नायना रनसायनाय सल'बाथाफोरनिबो माहारियारी गोनांथि दं। जायफोर दावमा-दावसा, जिव जुनातखौ लाना गाहाय भावनागिरि खालामना सल'खौ दानाय जायो बेफोर गोसिबो हादरावनो सिनाय जानाय। जैरे-मैदेर, शियाल, दावखा, सैमा, सेसा, अमा, मोसा, लखा, गान्दा, खासेव, खांखाय, मावजि एनजर बायदि बायदि सिनायजायै जीव-जुनातफोरा बेव बाहागो लायाखै। आधिखालनि नोगोरारी सोदोमस्रिनि गोसामनायनि सिगां बिसोरजो सुबु समाजनि सिनायथिया गोरासिनमोन। बिसोरनि आखु सोलिनायनि सोमोन्दै बयबो सुबुहा थार रंगिथि दंमोन। हाग्रा बंग्रायाव थाना जीव-जुनात जौनो रायजो जाबोनायलाय, बिसोरनि जानाय, थानाय, सोलिनाय आरो आखल आखुखौ लाना बर' सलबाथा रनसायनाय जादो।

दाव, अमा, फारो, मोसो मोसा, सियाल गान्दाखौ लाना सल'रनसायनाय जादो आरो सुबु समाजनि गेजेराव मोजां मोजां फोथायथाव आरो गनायथाव सल'बाथा सोरजिदो। जीव-जुनातनि खुगाजो बोसोन होदो सल'बाथानि गेजेराव ईस्वर एबा गोनां बाध्रा फोसावदो। सुबु माहारिया बेफोर बोसोनखौ गानायना एबा मानिनो नाजदो।

बर' सल'बाथानि गेजेराव बर' बाध्राफाव आरो सुबु फोथायनाय बाहायनाय नुनो मोनो। सल'नि जाथायखौ मंहरगोनो, रँसुमै खोनासंथाव खालामनाय जायो। जैरे-जेराव थुरि नुयो बेवनी बाथि गारो 'बिफाडाव मोफौ हायाव बाहागो, सैमा सोनाया अरनो रोडा, मोदोमनाय बिबारखौ होखोमानो हाया। आलजाल मोसा हालांनि जोनजाल, जिबौआसो जिबौनि आधिखौ नुयो, मैया थैयो आगानाव नाया थैयो थिफनायव सेसाया थैयो खियाव-मानसिया थैयो खुगायाव- बायसेध्रा सल'जो गोरोबनाय बाध्राफाव बाहायना सल'खौ खोनासंथावआर मंहर गोनां खालामो। लोगोसे बेफोर सल'नि गेजेराव सुबु फोथायनाय जैरे- माय मोजाड नारायावनो सिन, बिखा फांदां मेगन मोस्रां बे हौवाआ मोजां, नायनो मोजां आखला आंजो, आदा नांग्रां बाजै सिगां, मावनाय समाव थेंगन जानाय समाव बॅखन बायदि सुबु फोथायनायनि देखो रिखाडे।

बड' सल'बाथायाव मैहुराव थानायनि जाथाय, ना सारनाय, ना गुरनाय, बान्दो थैनाय सेन, ख'था सानाय जाथायनि गेजेरजो आबै आबौनि समनि रायजो जानाय, समाज-खास्थि सुबुनि जिउ दैदेन्यायनि राहानि सोमोन्दै मिथिनो मोनो। मैहुराव थांब्ला मा नेम फालिनांगौ, ना गुरनाय, ना सारनाय, सेनख'खा सानायवा मा खालामनांगौ बेफोर बोसोनखौ सल'नि गेजेरजो बिजिरना होलांनयाय जायो। सल'बाथाफोर

सुबु जिउ दैदेन्यायनि राहा दिन्थियो। गोदोनि दानि रायजो जानायनि फारागआ मा, गोदोनि राजा-महाराजा एबा हादुंगोराया बौरै रायजो खुंदोमोन बेफोर बाध्राखौ सल' बाध्रानि गेजेरजो मिथिनो मोनो। सल'बाथाआव राजानि फिसाजो राजखुंगीजो राजखुंगुरा हाबा जानायनि अनगाग्यैबो नेहात ग'लामनि फिसाजो जौ जुलि जानायनि बिदिन्थि मोनो थाडे। बेफोर जाथायनि गेजेरजो हारि बासिनायनि बाध्रा सोमजिया, माहारिनि हें थानि सोंथि सिखारा। बर' माहारिनि गेजेराव बयहाबो समान मोनथाय दं, बिखायनो जायनो मोनो बिनो राजखुंगी एबा गेदेर गोलाडनि फिसाजोखौ हाबा खालामनो हायो। मावरीयास्रोन जोहोलाव, खुसियास्रोन जोहोलाव अलसिया जोहोलाव, हाबाथेफा सल'बाथाफोरब बेफोर बिदिन्थिखौ मोनो थाडे। बेफोर सल'बाथानि गेजेरजो थार गोसो थोलायनायखौ जेबो गात्रि गोहो आरो हँथायो बोखानो हाया, गिबि बाहागोआव बायदि खैफोतआव गौलैब्लाबो उनाव सँथोनिनो जै जानाय दिन्थिनयाय जायो। बेफोरनि गेजेराव मोनसे गोथै सुबु खास्थि एबा गनतन्त्र माहारि राहानि इसारा दं। बुहुमनि अराय गोजाम माहारियानो बिबि सुबुत्तन्त्रनि माहारि राहानि सिं। बिनिखायो सल'बाथानि राजा आरो बिनि आखल-आखुनि जासिनारथि मोन्याय जायो, बेफोरनि गेजेराव मोनसे गोजाम माहारि खास्थिनि सिनायथि सिथाबना दं। माहारि जिउनि जौगानायाव बायहानिक्राय गोबां रोखोमै सोलायब्लाबो, दासिमबो बेफोरनि गोहोम गौग्लैनायखौ सिमान जायाब्ला थानो हाया।

बर' सलबाथानि गहेनाफोराबो दिधो होनो गोनां। रामायण, महाभारतआव जानाय गहेना फोरबदिनो सल'बाथानि रावफोरा खहाव गोनां। जैरे-खुमबाबादि लाव दुद्रनाय, जगनातबादिनो दुद्रनाय, सिगुन गालफाबादि गोजाभोखां, दावम्रीबायदि थेव-थेव राज-जालायनाय, बोराय खेब-बुरैखेब रायजो जानाय, अखा खोरोमनायबादि सोगोमनाय, मोसाबादि सोगोमनाय, सैमाबादि नेरनाय बायदि बायदि। बर' सल'बाथाखौ बिजिरना नायब्ला नुनो मोनोदि गोबां जीव-जुनातफोरखौ लाना सोरजिनाय सल'बाथाया मिनिथाय आरो गोमोथाव। जीव-जुनात दावमा-दावसाफोरखौ लाना लेडय सल'बाथा रनसायनाय जायो। आदुवानि आखु दिन्थिनो थांब्लाबो बिनि बिदैंनि जोनोम जायो। असमीया रावजो लिस्नाय बुडौ आइर साधु आरो 'इसपर साधु' बिजाबनि सलफोरब बड'लसबाथानि माखासे आखु बिथा सावगारि बेरखानाय नुनो मोनो। बेफोर सलनि जाथायफोरा बर' माहारिनि गेजेराव सानफ्रामबो थाफलायबाय थानाय जाथाय। बड' सुबुनि रायजो जानायवा बेफोर जाथाबा जौनि मेगन नोजोराव जेब्लाबो थाफलायबाय थायो। ( 7 बिलाइआव)

## सुंद' सल'

मुश्री अनिल कुमार ब्रह्म

# माया जे

अ T स I खालामदोमोन मुसे; खामानिनि बिजाउनखौ मोनबाय गुबुन मोनसे। बेखौनो बुडो-खाफालनि रिफिनाय। गुबुन रावयै; फापनि फिथाइ। सास्ट्र आव दं। संसारनि मानसिफोरा फाप मावनायनि थाखायनो भुगी नाड। आंबो भुगीनो गोनां जादो। बुंस हाया, मा फापनि थाखाय भुगीनो गोनां जाखो? मा फापनि थाखाय हासथायसे यावबो फिसा हौवानि मोखां नुवा जाखो? मा फापनि थाखाय बिमानि अन्नायनिफ्राय बाइरा जानाँ बिमानि साव जानो गोनां थाखो?

दिने बेफोर सोलुफ्रा आंखौ उगुल-थुगुल खालामदो। थानाय, दा आरो फैगोन समफोरनि मोनसे हिसाब लानो गोनां जादो।

गोबां बोसोरनि उनाव न' फासँ, गामि फारसे मोखां जालानो गरन्थ' लादो आं। थैजासिम न'गाया, गामियाव थाडा होन्नानै समाइखिरा लादोमोन आं। नाथाय दिने आनि गोसोआ सोलाइ फिनदो। जोमोनगिरि बिमा-आइया थैनायनि खुगायाव। थैनायनि सिगां फिसाफोरनि मोखां नाइसा लांनो लुबैदो आइया। हाजारब्लाबो जाइखि, जेखि दाय फोदो खालामा जोनोमगिरि बिमाया बिमा; देहा-मोदोम, बेगे' सिरा-सिरा, रोदा-रोदा थैनि सोमोन्दो गोनां। थैनावसि बेलायाव नुजा हैयाब्ला महाफाप नांगोन।

आं जोनोम थावनि गामिनि न' फारसे रावना होनो सानबाय। आंजो लोगोसे ओंखारफाबाय आनि जीउनि-आमुखि। लोगोआव नेवथोन

बयखौबो बोर सारस्रि लांनो गोजेनो लुबैदो। खोथाखौ आं आमुखिनोबो फोलाया सिखोमाया फोरमायना होदोमोन। आइनि खोथा बुंल्लानो गुसथि फेनग्रा आमुखिनोबो फोलाया सिखोमाया फोरमाया होदोमोन। आइनि खोथा बुंल्लानो गुसथि फेनग्रा आमुखियाबो जेबो गिच्चा मोन्याय फाव दिन्थियाखै। आं आरो बेखेवनानै होबाव दौमोन-जौनि संसार जानाया दिने बोसोर नैजि बारलांबाय; जौ जाबाय गथ साधामनि बिमा-बिफा। दुइसिन फिसानि बैसोआ बोसोरब्रैसो जासिगोन। नाथाय, बे साधाम गथ'फोरनि गेजेराव हौवानि रुफ सासेबो गैया। जाहोना ? मा फाप हाबानि थाखाय फिसा हौवा गैया। बेयो फाप हाबानिनो फिथाय। आइनि मोहेरनायनि फिथाय। जौनि जुलिनि समाव आइया जौंखो साव होदोमोन-“आनि बिखायाव दावदाब होनाने जुली जादो, फिसा हौवा दामोनथो नोंसोर” होन्नानै। सोरनिबा खुगाया बिष गोनां-सावहोब्ला फलियो। गमामा, मोखथाडाव फिसा साधाम मोनबाय; नाथाय दिने जौंहा फिसा हौवा सासेबो गैया ! आनि उनदाहा खालामनायाव आमुखियाबो गोलाव हांमा सुरदोमोन। आरो मोनसे खोथा राइखंदोमोन-“जौनि सुख-गोजोन्नि थाखाय बिमा-बिफानि न' गायैआ आरो बुरैखौ बै समाव जौनि हँथायै गसन्यायनि जुने थैजानो लुबैनायाखि जौंहामालाइखि फाप नाडखै होनलाय!” जानो हागौ, आं सान्दो फाप हाबानि थाखायनो जौंहा

फिसा हौवा गैया। आइया नै थैनायनि खुगायाव। फापनिफ्राय निस्थार मोनो थैनावसि समाव बुरैखौ जोथोन लाना फोन मोनो नाजा नांगोन। बुरैनि बोर सारस्रिनायाव हौवासा गथ' सासे मोनोबो हास्थायगोन। गामि फारसे रावना होनायनि ओंथिखौ मुसुखानो बुंफलनाय जायाखै। पिसा हौवा गैयानि जौनि दुखु-हांमाखौ मुसुखानो खोमा सुहोनायबो जाफेर बोयाखै। बियो गावखौ मा सानोथाय ? हौवाफोर बादिनो बियो गेलेयो, साइखेल गाखोयो, हाथाय खालामो रिकेट लानानै टेनिस, बेटमिन्टनखौ गेलेयो। एरैबादि बाव, बिनि बांसिन लोगोफ्रानो हौवासाफोरजोब जायखौ बुडो बयफ्रे न्द। आधिखालाव हौवासा हिनजावसाफोरा गेजेराव फाराक गैबालिया। थेवब्लाबो, हौवासा गथ' सासे मोनो हामब्लायदो जौं-आमुखि आर आं सानैजो।

गामियाव रावना होनायनि गासिबो लाहार-फाहार थाम-थिमजाखा जोबबाय। आमुखिया बाथौ गुदियाव इसोरनाव धुप बाति बावनानै आरज गाबखां बाय। फिसाफ्राबो देलाइ, मालाइ थियारी जानानै थाखाबाय। एसेयावनो न'नि कलिं बेलआ रिंखांबाय। आं थाद'-नांबाय। लामा मोखांनि दरजाखौ खेवना होब्ला नुनो मोनबाय-दरजा मोखाडाव गसदो सासे सेंग्रा। सिगाडाव खनसे लोगो मोनखांबाय आं सेंग्राखौ। मुसुखाया सिनाइथि होदोमोन गावनि बयफ्रे न्द होन्नानै। जिरायग्रा थखायाव बयफ्रे न्दजो मुसुखानि आलाप जाबाय। आंबो जिराय फाबाय। आलापआव बावहागो लानानै आं बुंबाय, “बुरै थारबाय आइया। आर गोब्राव ( 7 बिलाइआव)

## भुटाननि गाहाय मन्थि लते शेरिंगआ भेक्सिन थुनायनि सायाव गाहाय मन्थि मदिनो गाहाम हामलायथि बाउहरदों

गोदान दिल्ली, 17 जानुवारी: भारतआ थांनाय शनिबाराव भेक्सिन अभियानखौ जागायजेनबाय। हादतनाडै भेक्सिन थुनाया जागायजेनबाय आरो बे खाबुयाव भुटाननि गाहाय मन्थि लते शेरिंगआ शनिबाराव भेक्सिन अभियान जागायजेनानि थाखाय गाहाय मन्थि नरेन्द्र मदि आरो भारतनि सुबुंफोरनो गाहाम हामलायथि बाउहरदों।



हादतखौ कबार खालामनाय बे अभियाननि थांखिया गिबियाव लाख लाख हेल्थकेयार आरो फ्रन्टलाइन लेबारफोरनो भेक्सिन थुनाय आरो बेनि गिबि खोलोबनि जोबथासिमाव 3 कौटि सुबुंफोरनिसिम भेक्सिन

जगायना होनाय जागोन। लस्स खालामनाय समाव गासिबो राइज्योफोर आरो मिरुजों खुंजानाय राइज्योफोराव गासै 3006 फसंथानफोर सोमोन्दो लादोंमोन। मिरुनि देहा मावख'आ बुंदों बेखेवनायनि

सानयाव गंफ्रामबो फसंथानयाव सा 100 मुलाम्फा मोनगिरिफोरनो भेक्सिन थुनाय जागोन। गिबि खोलोबआव आइसिडिएसनि लेबारफोरजों लोगोसे सरकारि आरो गावयारि बिथिनि देहा मावसुमाफोरा भेक्सिनखौ मोनो हागोन। भेक्सिन थुनाय हाबाफारिखौ सानफ्रामबो फुंनि 9.00 रिंगानिफ्राय 5.00 रिंगसिम थुनाय जागोन। लते शेरिंगआ कभिड-19 भेक्सिनखौ मोनो हानाय आरो रानानै होनायनि थाखाय भारतनि हाबाफारि मावनायखौ बाख्नायदों। बियो बुंदोंदि, गाव नोंथानि गाहाम देहा आरो भारतनि सुबुंफोरनि गाहाम देहानि थाखाय इसोरनाव आर'ज गाबयो।

## भारतआव करनानि केसआव 27 राइज्योफोर आरो इउटिआव रिक्भारि रेटा माहारियारि बिबांआव 96.6 जौखोन्दोनिफ्रायबो बांसिन जादों

गोदान दिल्ली, 17 जानुवारी: भेक्सिन थुनायखौ जागायनायजों लोगोसेनो हादतआव करनाखौ लानानै मोजां खोरंखौ मोन्याय जादों। रिक्भारि रेटनि केसआव 27 राइज्यो आरो मिरुजों लोगोसे गुबुन हादतनि नेशनेल रिक्भारि रेटा 96 जौखोन्दोनिफ्रायबो बांसिन जाबाय। हादतआव साफ्रोमबो 100 बेरामिफोरनि गेजेराव गासै 96 बेरामिफोरा मोजां जादों। नाथाय बेनि रुजुनायाव बै 27 राइज्योफोर आरो इउटिआव बेनिफ्रायबो बांसिन बेरामिफोरा करनाखौ फेजेनो हादों।

अरुनाचल प्रदेशआव रिक्भारि रेटा 99.3 जौखोन्दो आरो अन्ध्र प्रदेशआव 99 जौखोन्दो जादों। अरुनाचलआव



करनानि गासै 16 रोजा 805 केसखौ मोन्याय जादों। बेनि गेजेराव 16 रोजा 687 सुबुंफोर करनानिफ्राय मोजां जादों आरो 56 सुबुंफोरा थैदों। बेवहाय एक्टिभ केसआ गासै 62 दड। फारसेथि अन्ध्रआव 8 लाख 85 रोजा 824 केसखौ मोन्याय जादों। बेनि गेजेराव 8 लाख 76 रोजा 698 बेरामिफोरा मोजां जादों। आरो 7139 बेरामिफोर

थैदों। बेवहाय आथिखालाव 1,987 बेरामिफोरखौ फाहामथाय होगासिनो दड। हादतआव थांनाय 24 घन्टायाव 15 रोजा 50 सुबुंफोरखौ करनानि इनफेक्सन जानाय मोन्याय जादों। 17 रोजा 201 सुबुंफोरा रिक्भारि जादों 181 सुबुंफोरा थैदों। दासिमाव 1 कौटि 5 लाख 58 रोजानिफ्राय बांसिन सुबुंफोरा

करनानि बे'खन्थायाव थाखांबाय। मोजां खौराडा बेनोदि, बेनि गेजेराव 1 कौटि 1 लाख 96 रोजानिफ्राय बांसिन सुबुंफोरा मोजांबो जाखांबाय। आथिखालाव 2 लाख 5 रोजा 811 एक्टिभ बेरामिफोरा रैखाथि मोन्दों। इनफेक्सनजों दासिमाव 1 लाख 52 रोजा 311 सुबुंफोरा थैखांबाय।

## ब्राजिलयाव 5 थि सानाव करना भाइरासजों सा 1000 निफ्राय बांसिन सुबुंफोरा थैदों

ब्राजिल, 17 जानुवारी: माखासे हादतफोराव करना भाइरास भेक्सिन थुनाया जागायजेनबाय। नाथाय करना भाइरासनि केसआ खम जायाखै। ब्राजिलयाव शनिबारनि 5 थि सानयाव इनफेक्सनजों 1 हाजारनिफ्राय बांसिन सुबुंफोरा थैदों। आमेरिका आरो भारतनि उनाव ब्राजिलयाव करना भाइरासजों थासारिआ गाच्चि जादों। ब्राजिलियान हेल्थ रेगुलेटरआ रुसनि भेक्सिन स्पुतकि-V खौ इमार्जेन्सि गनायथि होनायखौ नेवसि गारदों। रेगुलेटरआ बुंदों, स्पुतनिक-



V निफ्राय गोनाथि फोरमान लाइमोनखौ दिन्थियाखै। स्पुतनिकनि थामथि ट्रायेलखौ गनायथि होदों ना होवाखै, बे

बाथानि खोरंखौबो होयाखै। मुलुगनाडै 9 कौटि 49 लाख 51 हाजार 943 सुबुंफोरनाव करनानि केस मोन्याय जादों

आरो सा 20 लाख 30 हाजार 924 सुबुंफोरनि जिउआ गोमाखांबाय। मोजां खौराडा जादों, 6 कौटि 77 लाख 73

हाजार 937 सुबुंफोरा करना भाइरासनिफ्राय गाहाम जाबाय। पर्तुगालनि रंखाथि मन्थि ज' आओ लिउनाव करना इनफेक्सन मोन्याय जादों। बियो न'याव आइसलेशनयाव थादों आरो बिनाव दासिमबो जेबो लोक्षोन नुनो मोन्याय जायाखै आरो बियो हाबाफारि मावगासिनो दं। पर्तुगालयाव थांनाय शुक्रबारनिफ्रायनो नै सप्ताहनि लक डाउन लागायनाय जादों। पर्तुगालयाव शनिबाराव करना भाइरासनि 10,947 केस मोन्याय जादों आरो सा 166 सुबुंफोरा थैदों। पर्तुगालयाव दासिममाव 5,39,416 इनफेक्सननि केस आरो सा 8,709 सुबुंफोर थैनायखौ रिक्ड खालामनाय जादों। बेवहाय दासिमबो 1 लाख 28 हाजार 165 सुबुंफोरनो फाहामथाय होनाया सोलिगासिनो।

## ज' बाइडेनआ 20 जानुवारीआव आमेरिकानि हादतगिरि महरै समायखिरा लागोन

गोदान दिल्ली, 17 जानुवारी: ज' बाइडेनआ 20 जानुवारीयाव आमेरिकानि 46 थि हादतगिरि महरै समायखिरा लागोन। आमेरिकियाव समायखिरा लानाय सानखौ इनगरेसन डे बुंनाय जायो। इनगरेसन डेयाव सरासन्हा महरै लाख लाख सुबुंफोरा बाहागो लायो। करना भाइरासनि जाहोनाव बे खेवयाव बे फोबोया आगुनि बादि गाजा -गमजा जानाय नडा आरो बेवहाय गोबां सुबुंफोरा बाहागो लानाय नडा। बाइडेननि टीमनि बादिब्ला बे खेवयाव 1,000 -1200 सुबुंफोर बाहागो लानो हागौ। समाय खिरा लानायनि उनाव बाइडेन आरो हैरिसआ Pass in Review याव बाहागो लागोन। बेयो मोनसे नेमखाथि। बेवहाय हादतगिरि आरो लेडइ हादतगिरिआ फिसा सार्थि पेरुडखौ नायबिजोरो। बेनि



गेजेरजों खौरं होनाय जायोदि, खुंथाय सोलायनाया गोजोनयै जाबाय। निउयर्क टाइम्सनि बादिब्ला बेनि उनाव बाइडेनआ इनगरेल स्पी होगोन। बेवहाय आमेरिकानि भट होग्राफोरनो गाहाम हामलायथि बाउगोन। बाइडेन आरो हैरिसआ प्रेसिडेन्ट एस्कटयाव केपिटेल हिलनिफ्राय हवाइट हाउसयाव थांगोन। थांनाय 6 जानुवारीयाव संसदन सिडाव आरो बायजोयाव हिंसायारि जाथाय जानायनि उनाव आमेरिकानि राजथावनि

आरो राइज्योफोराव गोखों रैखाथिनि राहा लानाय जादों। 6 हाजार नेसनेल मिलिट्रि गार्डजों लोगोसेनो 15 हाजार पुलिस मावसुमाफोरा राजथावनिखौ नोजोर लाखिदों। सिक्नेट सार्बिस आरो फेडरेल एजेन्सिनि अनगयै एडभान्स इलेक्ट्रिकनिकआव सार्थिलान्स एलार्ट मडयाव दं। बेबादि राहा लानाया 30 सानसिम सोलिबाय थागोन। डिंसिनि बायजोनि बाहागोयाव स्पेसेल फेन्सि खालामनाय जादों।

## बरिस जनसनआ गाहाय मन्थि मदिखौ जि 7 शिखर सम्मेलनआव बाहागो लानो हांखाइहरदों



गोदान दिल्ली, 17 जानुवारी: ब्रिटेनआव गाहाय मन्थि नरेन्द्र मदिखौ जी-7 शिखर सम्मेलनयाव बाहागो लानो थाखाय हांखाइ हरदों, जेराव ब्रिटेननि गाहाय मन्थि बरिस

जनसनआ मुलुगनि दैदेनगिरिफोरनो इयुनखौ सोमखोर, फारागथि गोयै आरो जौगाखां बानायनो थाखाय आर'ज गाबगोन। बरिस जनसननि अफिसनिफ्राय

फोसावनाय बिबुंथियाव बुंदोंदि, ब्रिटेननि कार्निवालयवा 11-13 जुनसिम सोलिन्याय जी-7 शिखर सम्मेलनयाव मुलुगनि दर 7 हादतफोरनि दैदेनगिरिफोरा करना भाइरासनि खेफोद आरो बोथोर सोलायनायजों जुजिनयाखौ लानानै सावराय लायगोन। भारतनि अनगयै अस्ट्रेलिया आरो खोला करियाखौबो थांनाय 2 बोसोरव गिबि खेब जी-7 शिखर सम्मेलनआ आलासि हादतफोरनि महराव हांखाइ हरदों। भारतआ गिबियावनो मुलुगनि 50 जौखोन्दोनिफ्राय

बांसिन भेक्सिनखौ जगायनानै मुलुगनि फार्मिसिनि महराव जौगाखांदों। इउके आरो भारतआ इनफेक्सननि समाव लोगोसेयै हाबाफारि मावदों। गाहाय मन्थि जनसनआ बुंदों, जी-7 नि सिगां गाव भारतखौ दावबायगोन। जी-7 आ इउके, कानाडा, फ्रान्स, जार्मानी, इटलि, जापान, आमेरिका आरो इउपियन संघनि लोगोसेयै बानायनाय मोनसे जौसां, जेराव मुलुगनि गोहोम गोरलैनाय, उदां समाज आरो जौगाखां रंखाथि बबेस्थानि सायाव सावराय लायनाय जायो।

## नर्वेयाव करना भेक्सिन थुनायाव साइड इफेक्ट जानानै सा 23 सुबुंफोरा थैदों

अस्ल, 17 जानुवारी: करना भाइरासनि हेंथायै मुलुगनि माखासे हादतफोराव गिदिर अभियान सालायनानै सुबुंफोरनो भेक्सिनखौ थुनाय जादों। नाथाय बेनि गेजेराव फाइजर भेक्सिनखौ लानानै सोंथि देखांन्याय जादों, मानोना नर्वेयाव साइड इफेक्टनि उनाव सा 23 सुबुंफोरा थैखांबाय। 24 घन्टनि सिगां बे अन्जिमया 13 मोन। नाथाय भेक्सिन थुनायनि उनाव थैनाय अन्जिमाफोरा



बांलांबाय थादों। गोदान बोसोरनि 4 सान सिगां नर्वेयाव फाइजर भेक्सिनखौ थुनाय जादोंमोन। बे समाव 67

बोसोरनि सबिन एन्डारसननो गिबि भेक्सिन थुनाय जादोंमोन। बेनि उनाव दासिममाव 33 हाजार सुबुंफोरनो भेक्सिनखौ थुनाय

जाखांबाय। भेक्सिनखौ थुजेन्यायावनो फोसावनाय जादोंमोनदि, माखासे सुबुंफोरनाव साइड इफेक्ट जानो हागौ। मेडिकल डायरेक्टरनि बादिब्ला सा 23 सुबुंफोरनि थैनायनि गेजेराव सा 13 सुबुंफोराव गोब्राब साइड इफेक्ट जानायखौ नुनो मोन्याय जादों। नायबिजिरनायाव मोनथिनो मोन्याय जादोंदि, जाय सुबुंफोर थैदों, बेवहाय बांसिनानो 80-90 बोसोरनिफ्राय बांसिन बैसोनिमोन।

## इन्डनेसियाआव 6.2 गोहोनि बांग्रि मावनायाव सा 42 सुबुंफोरा थैदों

जाकर्ता, 17 जानुवारी: इन्डनेसियानि सोनाब सुलाभेसि राइज्योआव 6.2 गोहोनि बांग्रि मावनायाव दासिममाव सा 42 सुबुंफोर थैदों आरो सा 800 निफ्राय बांसिन सुबुंफोरा जोखोम जादों। बांग्रि मावनायजों गोहोम गोरलैनाय ओन्सोलनिफ्राय सा 15,00 सुबुंफोरखौ रैखाथि जायगायाव लानानै थांनाय जादों। बांग्रि मावनायनि जाहोनाव गोबां दोहोन सम्पतिफोर आरो न'फोरा खहा जादों।




माहारियारि मिथिगायारि खैफोट सामलायग्रा एजेन्सिनि बादिब्ला मामुजु आरो मजेनेयाव बांग्रि मावनायनि

उनाव जोखोम जानाय सुबुंफोरखौ फिल्ड हस्पिटल आरो गुबुन गुबुन देहा फाहामसालिफोराव थिसन्याय

जादों। मामुजुयाव सा 189 सुबुंफोरा गोब्राब जोखोम जादों आरो सा 639 सुबुंफोरनाव सरासन्हा जोखोम जादों। बांग्रि मावनायजों मामुजुनि मित्रा मनकारा देहा फाहामसालिया सिलिखार जादों। गोहोम गोरलैनाय सुबुंफोरनो इमार्जेन्सि हेफाजाब होनाय जादों। बिबानगिरिनि बादिब्ला थांनाय 30 सानफोराव इन्डनेशियाआव 6.0 एबा बेनिफ्राय बांसिन गोहोनि बांग्रि मावदों।

## रासिया भारतजों लोगोसे दर 4 हादतफोरनि उरां जाहाज बिरबोनायखौ होबथानायखौ बोखारना होबाय

मस्क, 17 जानुवारी: रासिया करना भाइरासनि गोदान स्ट्रेनखौ लानानै माखासे हादतफोरनि उरां जाहाजफोरखौ होबथानायखौ बोखारना होनो थांखि लादों। रासियानि सरकारआ बुंदों भारत, फिनलेन्ड, बियेतनाम आरो कतरनि प्लाइटफोरखौ 27 जानुवारीनिफ्राय फिन जागायनाय जागोन। बेनि थाखाय कभिड-19 नि गाइडलाइनखौ मानिनानै लानांगोन। करना भाइरास हेडक्वार्टरआव रुस सरकारनि मोनसे जथुमा खुंनाय जादों। बेनि उनाव बिबानगिरिफोरा उरां जाहाजनि बिरबोनायखौ होबथानायखौ लानानै बोखारनो थांखि लादों।



मख'नो गोनांदि, करनानि गोदान स्ट्रेनखौ मोनथिनो मोन्यायनि उनाव रासियाआ माखासे हादतफोरनो उरां जाहाज बिरबोनायखौ होबथादोंमोन।

मख'नो गोनांदि, करनानि गोदान स्ट्रेनखौ मोनथिनो मोन्यायनि उनाव रासियाआ माखासे हादतफोरनो उरां जाहाज बिरबोनायखौ होबथादोंमोन।

# दावफोरखौ मोजां मोनग्राफोरनि थाखाय मोजां जायगा मोन 5 बार्ड सेन्चुरिफोरा



बेवहाय आलादा रंजानाय बाजानायखौ लानो हागोन। बेवहाय लैथोमानि इगल्स, ग्रेलेग सुइज आरो ब्ल मुरिन बादि दावफोरा थुबुर जायो। बे बिलोयाव माखासे फिसा फिसा द्वीपफोर दं, जेराव गाब गोनां गां थानाय दावफोरनि बिरनायखौ केमेराया सेबखांनो गोबां मोजां मोनो। बेनि अनगायै ब्लेकबक, गल्डेन गल्स,



क्रसेरियान्स नाफोर आरो मुंदांखा चिल्का डल्फिनखौबो नुनो मोन्याय जायो। गुजरातनि एहमदाबाद सहरयाव नल सरबर बार्ड सेन्चुरिआबो दावफोरखौ मोजां मोनग्राफोरनि थाखाय मोजां जायगा। बेवहाय नबेम्बरनिफ्राय फेब्रुवारीसिम गोबां दावफोरखौ नुनो मोननाय



जायो। नल सरबर बार्ड सेन्चुरियाव गलाप गाबनि पेलिकन, फ्लेमिंग, हवाइट स्टार्क, ब्राह्म्य हांसो, ब्लु मुरिन, गुफुर गाबनि बेडिंग बार्ड, फ्लमतार्स, ब्लेक टेलड गडविट, सेनुपाइपसा फ्लकनि अनगायै फेसाखौबो नुनो मोन्याय जायो। केरेलानि थिटेकड बार्ड सेन्चुरिआव गोबां रोखोमनि दावफोरखौ नुनो मोन्याय जायो। बे जायगाआ दाव खौओफोर थानायनि थाखाय मुंदांखा। बेनि



थाखायनो बेनि मोनसे बाहागोखौ 'कक्यु स्वर्ग' मुडैबो मोनथिनो मोन्याय जायो। बेवहाय मुलुगनाडै दावफोरखौ मोजां मोनग्राफोरा दावबाय फेयो।

## गोजा गलाब बिबार

फालगुन दाननि जावलिया बाराव। सानस'नो हायै लाइमोन बैसोआव गुवार गोसोनि अन्नाय लानानै मोजां मोन्दोमोन रजे आं नोंखौ जेब्ला। अब्ला, नों आंनि बायराब देरानि लांगोनायाव बारदोमोन सानसोनि गोजा गलाब बिबार। दिनें बै गोजा गलाब बिबारा बहा ?... ? नाथाय, नोंदि बै सिखिफोरनि गेजेरावसो बारहैनानै दं। आंनि बेसेबा गोजानावसो. ....। नों, मोदोम जायाखैथ', सिखिफोरजों बिदै सोबजानो। बिबिदिनो, रंजे नोंखौ आं हास्थायदोमोन मोकथांआव। नाथाय नोंदि बावगारलांबाय अब्लाबो आं नोंखौ गोबोंजों मोजां मोन्दोमोन... जाफु होनो थाखै.... नाथाय सानाखैमोन नों रंजे आंनि अन्नायखौ सैथो गोथार होन्ना। जाउनाव जानांबाय आं दिनें लोगो गोमाजानाय दाउसा माउरिया बिदिब्ला रंजे बुं बै समनि अन्नाया बेसेन गैयामोन नामा। जानो हागौ आंदि गोरोथि खालामबाय बिन थाखाय नों आंखौ नेवसिगारनो हागौ। नाथाय, नोंबो इसेबां गिदिर समय लानायखौ गियाखैसै। ना नों समायखौ फिसा होन्नासै सासनबाय नामा। ना फालगुन दाननि थिं थिं सानुं दुनायाव रानिज्रलांनो हम्बाय नामा बै गोजा

गुलाब बिबारा।  
बेनिजन बरग्यारी। जिल्ला- बडाइगाव,  
बि.टि.सि, आसाम

# रंजालि गथ' फोरनि सौरा खोमानि अलंबार

## बावदोहाबनाय मोहो

मानिनां बसुमतारि

बे फैलाव गुवार बुहुमाव आं सानदोमोन गावनि जिउखौ लाना नुवाखैसै आं सुखु सोरगिदिं मुलुगआव। सानानैबो सानसोनो हाला गोसो आंनि खोमसिनि मुलुगआव आं लामा आन्दायबाय गैला दिनें जिउआव अराय सुखु नागिरबाबो मोनाखै माथो आं सोरां लामा। नाथाय सोर जाखो नों अनजालिया ? होफेबाय माथो नों जिउआव सोरां नुनो मोनबाय दिनें रैरुब मिथिगानि महर जिउआव नोंनि रैसुमै गारांजों रायदाव फैनायाव सुथि मोनबाय आं दिनें अरायनि थाखाय नोंनि आखायजों बिलिर फैनायाव बुझालोबाय जिउनि गोसोम जोमैआ। नों अनजालिखौ गोरबोजों बजबनानै आवागय लांगोन आं मोगथां मुलुगआव लाबोगोन बरायनानै समायना जिउनि डेरा बिलायनानै होगोन बयनिबो गेजेराव अननायनि दैमु खोमसि जिउनि नों अलंबार मा होननानै फोरमायबावनो आं नोंनो नोंदि आंनि अरायनि हेफाजाबगिरि खावलायोल' आं सिगांआव जोंनानै था आंनि अखरांआव नों अरायनि थाखाय।

रबिराम स्वर्गीयारी  
जिल्ला-बागसा वि टि सि आसाम।

## बर'हारि

बेसेदि समयना फैलाव गुवार....

गोगोम सोरगिदिं हाजो हाला

दैमा-दैसा जिरि जिरि

आय' बेयोदि बर हारि।

बेसेदि गोदै मिलोदो बर' बिमानि राव,

बेसेदि ख'हाब गोनां बर' बिमानि हारिमु,

जोहोलाव-जोहोलावजोफोर

सोमदोम दैमालु बिरगोसिमोननि

बिखानि दुंबुद थैजों दाजानाय

नोंदि बर' हारि।

सोमखोर मिथिगानि बिफां लाइफां

दावसिन एम्फौ एनलाफोरा

जेब्लायबो रोजाबो देंखो

मोसायो अराय देमग्लाय-देमग्लाय

आय' बेफोरदि बर' हारिनि

असे आंगो लोगो।

जेना बर' हारिआ

फासया बर' हारिआ

दावगाफिनगोन सानसे

आगान सुरगोन बर बिमानि फिसा

दानो गेरेमसा हारि

बेनोदि आंगो बर' हारि।

मुसि जनन कुमार बसुमतारी  
गामि- खरफागुरि ( खुंरिं )

## गोथै शह'

सोर जाखो नों ? बे लामायाव गोलैना थानाय निजोम दलर सोलेरा। सोर सुथुरा नोंखौ सिथार लांखो ? मबे जमा नोंनि जीउखौ लांखो ? रावबो नोंखौ दिनें सिनाय लिया। रावबो नोंखौ दिनें अनसायलिया दावखा-सिला, शियाल-शिगुनफोराबो नोंनि शह'खौ मानोबा बोगार फैयाखैसै। जोहोलावमोन नामा नों सासे ? समाज सिबियारिमोन नामा नों सासे ? नोंनो मोन नामा बै बिग्रायारीया ? जानांबाय दिनें आलाइ-सिलाइ, सोर बिमाया नोंखौ अनसाय बावनो, सोर बिफाया नोंखौ खनखां बावनो सिखिरि मानसिया नारथ्रेट-जोश्रोद मुगैलांबाय, लामानि गोथै लामायाव थानांबाय। रावबो नोंखौ दिनें सिनायाखैसै, रावबो नोंखौ दिनें मान होयाखैसै। सुबुं समाजआव मोनाखैसै नों थरथिसे अन्नाय, बुहुमाव मोनाखैसै दरखरसे गोथैसालि आय' मा बरात स'ना नोंनि।

थरायना अल'खा ब्रह्म  
गामि- हगामाबिल ( दत भा )।

## आं नोंनि थाखायल

आंबोध नोंनि थाखायल रावनिबो नड बे जोनोमआव, मोनथियाखैमोन नामा नों आंखौ मोजां मोना सान्दोमोन रजे सिमाडव सानदों नोंजों गेलेगोन नाथाय मोगथाडव सानदों नों माब्ला आंनि जागोन। सानै सानै सानसोनो हाला आवसाव जाबाय आं नोंनि समयना महरखौ बिखा सिंआव थानाय मोनबा बिदि जाया जागौमोन। नाथाय सना आं बे जोनोमआव नोंखौल मोजां मोनो नोंखौल गोसो थोयो, उसाव-बादाव आंनि गोबोंआ नोंखौल सानो मानोथाय।

मुसि थनिजा ब्रह्म  
गामि: धावलाबारि  
जिल्ला: कक्राझार।

गोदान दिल्ली, 13 जानुवारी : दावफोरखौ मोजां मोनग्राफोरनि थाखाय राजस्थान भरतपुरयाव बानायनाय केबलादेब धाना नेसनेल पार्कआ मोनसे मोजां जायगा फोरमान जानो हागौ। बेवहाय गोबां दावफोरखौ नुनो मोन्याय जायो। बेवहाय हांसो सिलारी, दावब', हांसो, टुगल्स, सखा, दावसि आरो दावथु बादि गुबुन गुबुन



दावफोरखौ नुनो मोन्याय जायो। बे बोथोरावजायगानि दावफोरनि अनगायै गुबुन हादतनि दावफोरखौबो नुनो मोन्याय जायो, जेराव बांसिन दावफोरानो गेजेर एसियायनि जायो। हारियानायाव थानाय सुलतानपुर बार्ड सेन्चुरिया दावसिन-दावलाफोरखौ मोजां मोनग्राफोरनि थाखाय सोगौपुर बादि। बेवहाय दावफोरखौ नायनो थाखाय गुसु बोथोरानो साबसिन। बेवहाय साहानि पिन्टेल, ग्रेटार



फ्लेमिंग, एसियायनि दाव खौऔ, गोमो वागटेल, रजी पेलिकन, इउरेसियान बिजेन, कमन टील आरो साइबेरियान क्रेन बादि दावफोरखौ गोबां समयना नुयो। गुसु बोथोराव गुबुन हादतनि दावबायारिफोरा बेवहाय दावबायनो फेयो आरो गावबा गावनि केमेराफोराव दावफोरनि सेबखानान हायो। उरिष्यान चिल्का बिलोयाबो दावफोरखौ थाखाय मोनसे मोजां जायगा। गुसु बोथोराव

## जाबाय आं दुथामि

आंनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोबोंआव हाजासे, गोथार मिजिं लानानै दोनहरदोमोन, दिनें आंखौ टावन-सह'राव, स्कुल, कलेज फरायनो। बुरलु बुरला खालामनानै गावसोरनि बिखानि थैखौ दै खालामनानै, हरदोमोन रोजा रोजा रं गावनि फिसानि नांगौ बादिदै। नाथाय दिनें मोनथिया हसिया, सह'रनि गुदुं बारजों बारफनानै गावनि सान्नाय हनायखौ सोलायबाय, बिफा-बिमानि मान-इजोदखौ बावगारबाय। लिरनाय-फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांरि गैयै। सानफ्रोमबो सह'रनि ग'लायावल', जौ, सिगारेट आरो थांखु सोबै-सोबै समखौ आं बारहोदोमोन। गावनि जौमोनननि हाबिलासखौ सानहरनो सम आरो बोथोरआबो गैला आंहा, खालिबोल' नांगौ-नांगौ-नांगौ जौ, जुवा आरो सिगारेट। गिनाय, लाजिनायआबो गोमा जोबबाय, लामा सामा सिख्ला सासेबो बारग'लिया.... हाय ! आं मादि मावफोनांखो.... थारैनो जाबाय आंबो सासे दुथामि।

मुसि प्रफुल्ल नार्जारी।

## गलाघाटआव खुंनाय शिल्पी दिबसनि बान्था रान्नाय हाबाफारिआव गिबि मन्थ्रिआ बाहागो लादों

हाबाफारिआव गाहाय आलासि महैर बाहागो लानानै गिबि मन्थ्रि सर्बानन्द सनवालआ बेबादि गोनां बाभ्राखौ बुंथियो। आसाम सरकारनि हारिमु सामलाय मावख'नि बान्जायनायाव आरो गलाघाट जिल्ला खुंथायनि हेफाजाबआव खुंनाय बे हाबाफारिआव गिबि मन्थ्रिआ गागि देंखोगिरि नमिता भत्ताचार्य आरो खुगा मेथाइनि देंखोगिरि इन्द्रसर पान्डेनो आसाम सरकारआ होनाय 2021 माइथायनि शिल्पी बान्थाखौ गथायनानै होयो। बे बान्थायाव दडमोन गांसे मान बिलाइ, 2 लाख रॉनि चैक। हाबाफारिआव बिबुंथि लाखिनानै गिबि मन्थ्रि सनवालआ बुडेदि, रुपकँवर ज्यतिप्रसाद आगरवालाया गावनि सोरजिनाय गोबां सुबुंथिनि मेथाइफोरखौ खनलांदोंमोन। दिनै गोबां कौटि सुबुंफोरनि राइजो जानाय आरो बादायलायनाय मुगायाव बे गोदान मुलुगआव असमीया हारिखौ गेवलांसार होनो आरो फेहेरनो थाडेब्ला जौ रुपकँवरनि आदर्शजौ उनसंलानांगोन। बे गेदेमा देंखोगिरिआ समाजनि थाखाय बिहोमा होलांनाय आदर्शजौ आथिखालनि राइज्यो सरकारआ खुंथायनि राहाखौ फोसाबनायनि गेजेरजौ दरसे गोदान आसाम दाफुंनयनि थाखाय जोथोन लाखिनाय महाराव खामनि मावगासिनो दड। बेनि गेजेरजौ गोखौ समाज दाफुंनगोन होन्नानै रायखांना गिबि मन्थ्रिआ लोमोसेयै बुंबावोदि, देंखोगिरिफोरा दिन्थिलानाय बे गेदेमा सुबुंनि आदर्शजौ लामाखौ सायख'ना लानांगोन आरो राइज्यो सरकारआबो खुंथायाव फैनाय साननिफ्रायनो आसामनि बिखायाव खौसेथि समाज दाफुंनयनि थाखाय गोमो आखुथायजौ खामनि मावगासिनो दड। असमीया सावथुन मुलुगआव आइजो देंखोगिरिनि बिफाव लानाय गलाघाटनि आइजो आइदेव सन्दिक्खौ मान बाउनानै गलाघाट जिल्लाया आसामनि हारियाि रिजिसिम गोबां गागि सुबुंफोरा अन्थोब महैर होलांदों होन्नानै गिबि मन्थ्रिआ बुडे। बे आयदायवनो बिथाड शिबप्रसाद ठाकुर, मुनिन बरुवा, मन्जुला बरुवा बायदि सुबुडा आसामनि समाज बिथिडव बिहोमा होलांनाय बाभ्राखौ रायखांनानै बुंबावोदि, गलाघाटनि बिखानिफ्राय आसामनि फिसा-फिसा साहा दारिमिन आरो आबादारिफोरा थानानै थानाय बिथिडव गोखौ जुजिनयजों जागायजेन्ने हादों। गामियाि रंखान्थि आवगायनाय बिथिडव गलाघाट जिल्लाया थानाय गोलाव साननिफ्रायनो जर'खा जायगा आवग्रिनो हादों। गाहाय मन्थ्रि नरेन्द्र मदिनि आदर्शआ दरसे गाव गसंथा भारत आरो गाव गसंथानो हानाय आसाम खालामनायनि बिथिडव आसामनि गलाघाट जिल्लानि आबादारि राइजो-राजाफोराबो गोनांथार बिबान लानानै खामनि मावगासिनो आरो बे मिजिंथिजों गावखौबो थिसन्थाय खालामनो हागोन होन्नानै गिबि मन्थ्रिआ बुडे। गिबि मन्थ्रिआ बुंबावोदि, रुपकँवर ज्यतिप्रसाद आगरवालाया राइज्योनि आबादारिफोरनि सुखु-दुखुनि मोनफ्रोमबो बिथिंखौ नोजोर होनानै देंखो रोजावबोदोंमोन। बिथानि रोजावनाय मेथाइया सुबुं जिउनि फासं गोहोम गोरलैबोदों। बे आदर्शजों आसाम सरकारआबो दरसे जौगाखां आसाम दाफुंनयाव आबादनि बिथिडव गोनांथार हाबाफारि लानाय बाभ्राफोरखौ रायखांनानै राइज्योनि आबादारिफोरखौ रंखान्थि बिथिडव जौगाखांहोनयनि हाबाफारि लानाय बाभ्राखौबो बुंथियो। आबाद मन्थ्रि अतुल बरानि दैदेन्नायाव आसामनि आबाद बिथिडव दासिम गोबां आवगायनो हादों होन्नानै रायखांना गिबि मन्थ्रिआ बुडेदि, राइज्योनि गोदान लाइमोनफोरा आबाद खोन्दोआव गावखौ थिसन्थाय खालामनायनि थाखाय थुलुंगाखांनायासो राइज्योनि गामियाि रंखान्थि जौगानायनि इयुन मिजिंथि जागोन होन्नानै बुडे। देंखोगिरिफोरनि समायना आरो समाज सोरजिनाय बिथिडव बिफाव लानाय बाभ्राखौ रायखांनानै गिबि मन्थ्रिआ बुडेदि, श्रीमन्त शंकरदेव, ज्यतिप्रसाद आगरवालाजों लोमोसे गुबुन देंखोगिरिफोरनि मेथाइ सुजुनाया आसामखौ जर'खा जायगा आवग्रिनो हादों। राइज्यो सरकारआबो बेबादि राइज्योनि गोजोन आबहावाखौ लाखिनानै दरसे गोमो आबहावा थानाय आसाम खालामनाय थाखाय आबहावा सरैखाथिनि सायाव थोजासे हाबाफारि लादों। गुबुले आबहावा उदं आसाम दाफुंनयनि थाखाय राइज्यो सरकारआ फोसावबोनया मोनफ्रोमखौबो हेफाजाब होनानै आसामनि थागिबिफोरा दिने आबहावा सरैखाथि खालामनायनि फासं गोनांथार नोजोर लाखिदों। थानाय सम्फोराव आसामनि हाग्रा ओन्सोला थोजासे बारायनो हादों। खमैबो 8 कौटिनखुइबो बांसिन दंफां फुलि गायनाय आरो गुबुन मुलि हारिनि दंफांफोर गायनायनि फासं आसाम सरकारआ राहा लानायजों जाफुंसारनो हादों। मख'नो गोनांदि, दिनैनि बे हाबाफारिआव 2021 माइथायनि शिल्पी बान्थाखौ आजावनाय इन्द्रसर पेगु आरो नमिता भत्ताचार्यआबो गावनि बिबुंथिखौ लाखियो। बिबुंथियाव देंखोगिरि नमिताया रुपकँवरनि रोजावनाय मेथाइखौ रायखांनानै जोबोद मिलौहाब देंखो होन्नानै फोरसायो। शिल्पी दिबसनि बे मिरु हाबाफारिआव गलाघाटजों लोमोसे राइज्योनि गुबुन गुबुन जायगागि गोबां हारिमु हान्जाफोराबो मोसानानै दिन्थिफुडे। माजुलिन देंखोगिरि तुलिका शइकिया आरो बराक हायेननिफ्राय फैनाय देंखोगिरि बेडग्या भत्ताचार्यआ मेथाइ रोजावनानै बान्था रान्नाय हाबाफारिखौ मेहेरगोनांसिन खालामो। बे हाबाफारिआव आबाद मन्थ्रि अतुल बरा, हारिमु बिफाननि मन्थ्रि नब कुमार दले, एमपि तपन कुमार गगै आरो माखासे एमएलएफोराबो बिबुंथि लाखिदोंमोन।

## कभिड-19 नेमखान्थिनि गेजेरजों बाक्सानि सुबनखाताआव 69 थि मागो मेलाखौ खुंफुंदों

बोसोरफोरनि बायदि मेहेर गोनां हाबाफारिनि गेजेरजों सुबखाता ओन्सोलनि भुटाननि नोगोरारिफोरजों फालांगि, हारिमु, सोलाय-सोल' खालामनायनि नोजोरजों भारत-भुटान बिसुखे मेलाखौ गासै 8 साननि मेहेरगोनां हाबाफारि लानानै बोसोरफ्रोमबो खुंबोबाय थानाय जादोंमोन। नाथाय बे बोसोराव राइजो-राजाफोरा गोसो गैयाब्लाबो गोबां दुखुनि गेजेरजों कभिड-19 नि नेमखान्थिखौ मानिनानै 69 थि मागो मेलाखौ सानसेनि मेहेरगोनां हाबाफारिजों खुंफुंनय जायोब्लाबो 11 थि भारत-भुटान बिसुखे मेलाखौ दोन्थ'नाय जायो। मानोनो आथिखालाव भुटान हादतआव कभिड-19 नि साग्लोबसारनाया गोबां बारायनो लानाय लेखा हादतनि नोगोरारि फोरखौ बाहेराव ओंखारनायनिफ्राय जानगराव थानो भुटान सरकारा खवलायनायजों लोमोसे गिबि समनि लक डाउननि समनिफ्राय भारत-भुटान सिमनायाव थानाय दरजाखौ हादतनि सरकारा बन्द' खालामनानै दोन्दों। बबेखानि भुटान इन्डिया फ्रेन्सिसिफ एएसियेसननि बोसोनगिरि सिरि नामग्येल बिथड 69 थि मागो मेलाखौ कभिड-19 नि नेमखान्थिजों मेहेर गोनाडै सानसेनि हाबाफारिजों खुंफुंनो लानाय हाबाफारिखौ बरायनानै इन्ड भुटान फ्रेन्डसिफ मेलाखौ कभिड-19 नि जाहोनाव खुंफुंनो हायैखौ गोथौ दुखु मोन्नाय फोरमायथिनायजों लोमोसे फैगौ समाव फिन मेहेरगोनाडै खुफिन्नो लानाय जागोन होन्नानै फोरमायथिहरना कभिड-19 नि गासै नेमखान्थिखौ मानिनानै सोलिनो गासै राइजो-राजाफोरखौ खवलायदों। हाबाफारि लेखा फुंनि 9.00 रिंगायाव मेलानि आफादगिरि धडराम बर' बिथाड मेलानि फिरफिलाखौ बिरहोनयजों लोमोसे गोजोन आरो खौसेथिनि जुनै थानसालियाव आलारि बाथि फोजोडे। बेनि उनाव सिल्पि दिबसजों लोब्बा लाखिनानै रुपक'वर ज्यतिप्रसाद आगरवालानि सावगारियाव बिबार माला गानहोयो मेलनि बोसोनगिरि रमेस चन्द्र दासआ। फिरफिला बिरहोनय बिबुंथियाव आफादगिरि धडराम बर'आ बुडेदि, गोसो गैयाब्लाबो मेला सामलाय आफादा बे बोसोराव 69 थि मागो मेलाखौ कभिड-19 नि नेमखान्थि मानिनानै गोदोनिफ्राय सोलिबोबाय थानाय लेखा सानसेनि हाबाफारिजों खुंफुंनो लानाय जादों। मिजिंथियो फैगौ समाव गाजा-गोमजायै खुंफुंनो हानाय जागोन। बेलासे 3.00 रिंगानिफ्राय ओन्सोलनि बायदि हारिनि मोसानाय दिन्थिफुंनयजों लोमोसे खुदिया फेरला फाव दिन्थिगिरि तेल सुरानि फेरला फाव दिन्थिफुंनय जायो।

## गसाइगावआव सिल्पि दिबस फालिदों

खुंनाय हाबाफारि बायदिहै फुंनि समाव साहित्य सभानि फिरफिलाखौ बिरहोयो सभानि आफादगिरि पर्सु कलिताया। बेनि उनाव ज्योति प्रसादनि सावगारियाव बिबार बाउवो गागि नोगोरारि सहेन्द्र नाथ ब्रह्मआ। हाबाफारियाव देंखो रोजाबो देंखोगिरि कृष्णा बसुमतारिया। बे हाबाफारियावनो गागि सुबुंफोरा ज्योति प्रसादनि जिउ जारिमिननि सायाव बिबुंथि लाखियो। हाबाफारियाव नेहाथारि कनिन्द्र नाथ दास, समाज मावफारि रंगलाल दत्त, बिष्णु नाथ नाजार्नि, पुतुल दास आरो गोबां गागि सुबुंफोराबो बाहागो लादोंमोन। बे हाबाफारिखौ जागायजेन्दोंमोन दालाइ सभानि बोसोनगिरि शंकर चन्द्र दासआ।

## कलिता जनगस्टी सम्मिलननि मिरु जथुम्मानि लाइखुन्था गायदों

गायसनो बरपेटा सत्रनि सत्रीया आरो श्रीमन्त शंकरदेव बान्था आजावनाय बशिष्ठ देव शर्माया। लाइखुन्था गायसन्नाय हाबाफारिआव गावनि सुंद' बिबुंथियाव शर्माया बुडेदि, इयुनआव गोदान लाइमोनफोरा साफा-साफा हारि-हारिसानि जारिमिन मिबथिनो आरो बुजिनो थाखाय बेबादि जथुम्मानि सावरायलायनाया जोबोद गोनांथार। बेनिखायनो कलिता जनगस्टी मिरु सरुपेटा जथुम्मानि गेजेरजों जॉनि फैबाय थानाय लाइमोनफोरजों लोमोसे राइजो-राजाफोरा गोनां आयदाफोरनि सायाव मिबथिनो हागोन। जथुम्मानि रायदाव आफादनि लेडइ आफादगिरि अरबिन्द बर्मनआ जागायजेन्नाय लाइखुन्था गायसन्नाय हाबाफारिआव सम्मिलननि गुबुन गुबुन जिल्ला आफादनि दैदेनगिरि आरो बिबानगिरिफोराबो बाहागो लादोंमोन।

## बाक्सयाव सा 225 सुबुंफोरखौ कभिड भेक्सिन होगोन

जागायजेनो भेक्सिन होनाय हाबाफारिया। जिल्लानि सदर मसुलपुराव थानाय डा०रबि बर' सिभिल देहा फाहामसालियाव फुंनि समाव जागायजेन्नाय भेक्सिन होनाय हाबाफारिखौ गोजोनै बेखेवनानै होयो बाक्सा जिल्ला खुंगिरि रन्जन शर्माआ। फाहामसालिनि गागि फाहामगिरि डा० महन चन्द्र बर'नो गिबि कभिड सिल्ड भेक्सिनखौ होनाय जायो। मिथिनाय बायदिब्ला दुलाराय बाक्सा जिल्लयाव गिबि खोलोबयाव सा 225 करना दावहरारु आरो फाहामगिरि-देहा मावफारिफोरनो भेक्सिनखौ होनाय जागोन। डा० रबि बर' सिभिल देहा फाहामसालिनि बिबानगिरि डा० सुभाष शर्माआ मिथिहोनय बायदिब्ला बे फाहामसालियाव सा 99 आरो बर्मा मडेल देहाफाहामसालियाव 126 सुबुंफोरखौ कभिड भेक्सिन होनाय जागोन। गिबि खोलोबयाव हाबाफारि बायदिहै सा 10 सुबुंफोरनि देहायाव भेक्सिनखौ होनाय जादों। लोमोसे कभिड सिल्ड भेक्सिनआ सुबुंनि देहायाव जेबो गात्रि गोहोम खोख्लैया आरो बेखौ लानानै जेबो गिनांगौ गैया होन्नानै फाहामसालिनि बिबानगिरिया मिथिहोयो। मख'नो गोनांदि, गिबि खोलोबयाव फाहामथाय होनायजों लोमोसे सिबिथाय होनायाव लोब्बा थानाय मावफारि आरो समाज अन्साय बिफाननि मावफारिनो भेक्सिनखौ होनाय जागोन। मैया भेक्सिन होनाय हाबाफारिया जागायजेन्नाय समाव जिल्ला फोनांजाव देहा सामलायगिरि डा० मबिदुर रहमान, इडनिसेटनि बिबानगिरि डा० अक्षय टिवारि, जिल्ला भेक्सिन होनाय बिफाननि बिबानगिरि डा० हितेश काकति, डि पि एम करुना ब्रह्म, लेडइ पुलिस बिबानगिरि प्रनब ज्योति कलिताजों लोमोसे गोबां बिबानगिरिफोराबो बाहागो लादोंमोन।

## कक्राझार सहरजों नांजाबफा

## गोजोनफुरिआव सिखावनि उतखार

नख'ए एबा सोरनिबा गोबोंआव खोमसिनि साया साग्लोबसारनायाबो बेरखाडखै नड थारौनो बेरखादों। बिदिन्थि महैर दिने कक्राझार जिल्लानि सिडव थानाय कक्राझार सहरजों नांजाबफा वार्ड नं-5 गोजोनफुरिनि इनफर्मसन एन्ड पाब्लिक रिलेसन अफिस, कक्राझारआव बरबाबु (हेड एसिस्टेन्ट) महैर साखि मावगानै नख'ए खौफुनाय मुस्लि जयकिसान बसुमतारिनि नख'एराव गोबां बिबानि रं आरो सनाफोरखौ लुथिनानै लाडे। नख'रनि बिगोमा जयकिसान बसुमतारिआ जाथायनि बागै फोरमायथिनाय बादिब्ला, साननि 12.10 रिंगासोआव चिरां जिल्लानि रुनिकाता एबा गावनि जोनोम गामिनि न'आव गावनि आंगो बिसि रेखा बसुमतारि आरो फिसाजो अखाफोरखौ लानानै आलासि जानो ओंखारलाडे आरो बेलासि 4.00 रिंगासोआव न'फासं सौफैफिनो। सौफैनानै जेब्ला हाबग्रा लामा(गेट) नि तालाखौ खेवखानानै न'सिडव हाबनो न'नि तालाखौ खेवनो नागिरो अब्ला तालाया देखावनाय आरो दरजाया वेवखानानै थानायखौ नुनो मोनो आरो सिडव हाबनानै नायदिडेब्ला न'सिनि गासै मुवा-बेसादफोरखौ लेथेर-फिथेर जानानै थानायखौ नुनो मोनो। नख'र बिगोमा जयकिसान बसुमतारिया फोरमायथिबावनाय बादिब्ला, सिखावआ आलमारि-गड्जेफोरनि तालाफोरखौबो एरखावजोबो आरो सफा, फालें, आलना बायदिफोरखौ लेथें-फेथें खालामजोबनायजों लोमोसेनो नोगोद 25 रोजा रं आरो 3 लाख बेसेनिनि गासै सनाफोरखौबो लुथिनानै लाना थाडे।

## माजबातनि एम एल ए चरन बर'आ उदालगुरि जिल्लायाव मोन 3 बिथांखिनि अन्थाय खाम्फा गाइसन्दों

खान्थालगुरिनि बाथौ केरायसालियाव मोनसे जिरायसालि न'नि थाखायबो अन्थाय खाम्फा गाइसनो। बे बिथांखिखौ गासै 10 लाख रं बाहायनानै लुफुंनयनि थांखि लादों। अन्थाय खाम्फा गाइसन्नाय दिनैनि बे हाबाफारियाव जिल्ला आफादनि सोद्रोमाफोराबो बाहागो लादोंमोन। लोमोसे बेखेवनाय हाबाफारियाव एम एल ए बर'आ बाथौ धोरमनि आसांर खान्थि आरो बिनि गोनांथिखौ मिथिहोनयनि थांखियाव जौगाखांहोनयनि राहा लानायनि सायाव बाभ्रा होयो। एम एल ए चरन बर'आ खान्थालगुरिनि बाथौ केरायसालिजों फोनांजावनाय मोनसे लामानि थाखायबो अन्थाय खाम्फा गाइसन्नाय जायो। बे लामाखौ गासै 1.3 कौटि रंजों लुफुंनयनि थांखि लादों। मोनै बिथांखिखौ आसाम दर्शन स्किमनि सिडव लुफुंनय जागोन होन्नानै मिथिहोयो। गुबुन फारसेथिं माजबातनि एम एल ए उदालगुरि जिल्लानि काजियामाति 1 नं गरमारायाव बाथौ मन्दिरनि बाउन्डारि वल्ड लुफुंनयनि थाखायबो अन्थाय खाम्फा गाइसन्नाय जायो। 28 गासै सान्नेनि हाबाफारिजों खुंफुंनो लानाय गुदि बाथौ 27 आरो 28 गासै सान्नेनि हाबाफारिजों खुंफुंनो लानाय गुदि बाथौ बोसोरसालिया जथुमानि थाखाय लाइ खुन्थाखौ गाइसन्नाय जायो। एम एल ए बर'खौ बे बोसोरसालिया जथुम्मानि रायदाव आफादनि मासिगिरि महैर बिबान होनाय जायो।

## मिरु बिसायख 'थि आयगनि कमिसनारआ दिनै आसामआव सौफैगोन

बायदिब्ला चिफ सेक्रेटारि, हुम सेक्रे टारि, डि जि पि आरो गुबुन गागि बिबानगिरिफोरजों मिरु बिसायख'थि आयगआ मेल जथुमनानै बिसायथिनि सोमोन्दोयाव सावरायगोन। बेनि अनगायैबो मिरु बिसायख'थि आयगआ राइज्योनि चिफ इलेक्टरेल अफिसार आरो आसामनि पुलिस नडेल अफिसारफोरजों जथुमनायनि अनगायैबो राइज्योनि राजखान्थि दोलो आरो बिसायख'थिजों सोमोन्दो थानाय राइज्योयारि खुंथायनि बिबानगिरिफोरजों सावरायलायगोन। लोमोसे सानथामनि हाबाफारिजों दावबायनाय समाव मिरु बिसायख'थि आयगनि कमिसनार आरराआ जिल्ला बिसायख'थि बिबानगिरि आरो राइज्योनि पुलिस बिबानगिरिफोरजोंबो सावरायलायगोन। मख'नो गोनांदि, मिरु बिसायख'थि आयगनि थान्दै हान्जायाव थानाय सोद्रोमाफोरा फारियै सुचिल चन्द्र, राजिब कुमार, धमेन्द्र शर्मा, चन्द्र भुषन कुमार, सेपिल बि चरन, नरेन्द्र एन बुतलिया, पंकस श्रीबास्तब आरो बिपिन केतारा मोनहानो गाहाय।

## कक्राझार जिल्ला एबसुनि खुंगा 52 थि बोसोरसालिया जथुम्माखौ 19 आरो 20 जानुवारीयाव खुंगोन

बसुमतारिआ मिथिहोनय बायदिब्ला गोजौयाव मख'नाय 19 आरो 20 जानुवारीखालि सान्नेनि हाबाफारिनि गेजेरजों खुंनो लानाय खुंगा 52 थि बोसोरसालिया जथुम्मायाव थानाय 27 जानुवारीखालि जालांनय बि टि आर गोरबथा, गुण गोनां सोलेंथायनि मावथांखि, आबुं सोलायनायनि थाखाय आबुं जांखिथाय, बर'खौ बुहुमाव गेरमसा माहारि महैर गाइसन्नाय आरो आथिखालाव बर'हारिनि गेजेराव सोलिनय समाजयारि जॅनानि सायाव गोथौ आरो गुवारै सावरायलायनानै हाबा मावलांनो माखासे थांखिफोरा आजावनानै लानाय जागोन। लोमोसे बे सान्नेनि हाबाफारियाव फरायसाफोरखौ बादायारि बिथिनि फारसे थुलुंगाखां होनो थाखाय थुनलाइयारि, गेलेमु आरो हारिमुयारि आयदानि सायाव माखासे बादायलायनाय हाबाफारिबो लानाय जादों। जिल्ला एबसुनि गाहाय नेहाथारि सोमदोन ब्रह्मआ बे बोसोरसालिया जथुम्मानि सोमोन्दोयाव मिथिहोनय बायदिब्ला 19 जानुवारी एबा गिबि सानखालि फुंनि 7 रिंगायाव गाहाय दरखं बेखेवनाय, 7.10 रिंगायाव मुख्जं दैमु औवारि गोसोखां साइना सालि बेखेवनाय, मुख्जं सडतानन्द नाजार्नि गोसोखां जामु सालि बेखेवनाय, मुख्जं हितलार बरगयारि गोसोखां थान्दै नव्जानं बेखेवनाय, मुख्जं फेरनाय बसुमतारि गोसोखां हिन्जावसा मावसोम हान्जानि बादा बेखेवनाय। बेबायदिनो गिबि साननि माखासे गेलेमु, हारिमु, थुनलाइ हाबाफारिफोरखौ फारियै बेखेवनायजों लोमोसे खुंनाय जागोन।

20 जानुवारी एबा जोबथा सानखालि फुंनि 7.30 रिंगायाव फुंनिलिनि आर'ज, 8 रिंगायाव आफादनि फिरफिला बिरहोनय, 8.30 रिंगायाव मुख्जंफोरनो मान बाउनाय, 2 थि थान्दै मेल जथुमनाय आरो बे मेलावनो गोजाम मावफुं आफादखौ सिफायनानै गोदान मावफुं आफाद दाफिन्नाय जागोन। सान्जौफुंनि 12 रिंगायाव गेवलां मेलखौ खुंगोन आरो बे गेवलां मेलखौ मासि लानानै सामलायगोन कक्राझार जिल्ला एबसुनि आफादगिरि जनक उजिरआ। गे वलां मेलनि हाबाफारियावनो 2018 माइथायाव ए पि एस सि आन्जादखौ उथ्रिसारनो हानाय चरन नाजार्निखौ बरायगोन आरो मान बाउगोन। गेवलां मेलाव गाहाय आलासि महैर दुलाराय बर' फरायसा आफादनि आफादगिरि आरो बि टि आरनि सागानगिरि लरेन्स इस्लारिआ बाहागो लागोन। मेलावनो थांखिजानाय बुंथिगिरि महैर कक्राझार इउ एन एकाडेमिनि बिथोनगिरि कृष्ण गपाल बसुमतारिआ बाहागो लागोन। लोमोसे गेवलां मेलाव जरखा आलासि महैर बि टि आर खुंथायनि गाहाय खुंगिरि प्रमद बर'आ बाहागो लागोन। माननि आलासि महैर मावफुं सोद्रोमा उखिल मुसाहारि, एबसुनि बोसोनगिरि मनेश्वर दैमारि, लोमो गाहाय नेहाथारि खोरमदाउ औवारि आरो एबसुनि गोबां बिबानगिरि, बड'लेन्ड मुलुगसोलौसालिनि लोमो बिबुंगोराफोर, गुबुन गुबुन बर'आफाद-गौथुमफोरनि आफादगिरि, नेहाथारिफोराबो बाहागो लागोन। कक्राझार जिल्ला दुलाराय बर' फरायसा आफाद आरो बान्जाय आफादआ जथुम्मानि गासैबो हाबाफारियाव हारि, धोरमो, राव दोलो आफाद बासियाल्लासे लैहोर-लैहोर फैनानै बाहागो लानायजों बोसोरसालिया जथुम्माखौ आबुडै जाफुंसार होनो थाखाय बयखौबो गुरैयै खावलायहरदों।

## जनाइआव खुंनाय टकाम मिसिं परिन केबांनि सनाथि माइथाय फोर्बोयाव गिबि मन्थ्रि

हारिसानि मोनसे गोखों फरायसा आफाद। बे आफादआ 1971 माइथायाव गाइसन जादोंमोन। बेनि लोब्बायै खुंनाय मेलाव बिबुंथि लाखिनानै गिबि मन्थ्रि सनवालआ बुडेदि, मिसिंफोरा जादों राइज्योनि मोनसे हारिमु आरो गुबुन गुबुन बिथिडव दावगाफुंनो हानाय हारिसा। बे हारिसानि टकाम मिसिं परिन केबांआ जोनोम मोन्नायनिफ्रायनो हारिसाखौ सोलेंथाय आरो गुबुन गुबुन बिथिडव सिगां फारसे लानानै थानायनि जरखा बिफाव लाबोदों। थानाय 50 बोसोर नाडै बे आफादआ मिसिं सुबुंफोरनिफ्राय थोजासे अन्नाय आरो मान सम्मान मोन्नो हाबोनायाव जाफुंसारदों। आफादआ इयुनावबो मिसिं हारिसानि गोदान लाइमोनफोरखौ जौगाहोनय आरो गियान लाहोनय बिथिडव सांग्रां खालामनानै हारिसानि दुलाराय जौगानाय बिथिडव बिबान लानानै थांगोन होन्ना गिबि मन्थ्रिआ बुंबावो। मिसिं हारिसानि सुबुंफोरा दै बाना आरो हा खुरखानाय बायदि जिउनि सांग्रांथिखौ नेवसिगरानैब्लाबो मोनफ्रोमबो बिथिडववनो जाफुंसारदों होन्नानै रायखांनानै गिबि मन्थ्रिआ बुडेदि, लाइका ददियानि हा गैजायै सुबुंफोरखौ थाबैनो फसंथाफिन्नाय जागोन। बेनि थाखाय राइज्यो सरकारनि हाग्रा बिफाननि मन्थ्रिनि दैदेन्नायाव सरकारा मोनसे जरखा कमिटि दाफुंनय जागोन होन्नानै गिबि मन्थ्रिआ मिथिहोयो। मिसिं हारिसाखौ गेदेर असमिया हारिनि मोनसे गोखों आरो एंगारहायै अंध होन्नानै रायखांना गिबि मन्थ्रिआ बुडेदि, बे हारिसानि टरुन चन्द्र पामेगाम, इन्धिरा मेरि, ड० ताबुराम ताइड, यादब पायें आरो गोबां सुबुंफोरा राइज्योनि जौगानाय बिथिडव गोनांथार बिफाव लाबोदोंमोन। जनाइआव गावनि बेसेनगोसा बिबुंथिखौ लाखिनानै गिबि मन्थ्रिआ बुडेदि, मिसिंफोरा जादों राइज्योनि गुबुन मोनसे जोबोद अन्जाथाव आरो गोजौ सान्नाय-हनायजों सोलिग्रा हारिसा। मिसिं हारिसाखौ संबिधान रैखाथि होनायनि थाखाय आथिखालनि राइज्यो सरकारा मोनफ्रोमबो रोखोमनि बिबान लानानै थांगोन होन्ना रायखांनानै गिबि मन्थ्रिआ टकाम मिसिं परिन केबांखौ हारिसानि लाइमोन गोहोजों सोलेंथाय फारसे आवगायलांनय बिथिडव गोनांथार बिफाव लानो थाखाय फोसावो। गिबि मन्थ्रिआ सोलेंथायजों लोमोसे हारिमु आरो गेलेमु बिथिडवबो लाइमोन हान्जाखौ बाहागो लानो फोसावो। बे बिथिडव गिबि मन्थ्रिआ फोरोंगिरि आरो दिथागारिफोरखौ गाव-गावनि फरायसाफोरनि गोमगो सोलेंथाय लानायनि फारसे गोनां नोजोर लाखिनो फोसावबावो। 2016 माइथायाव आथिखालनि राइज्यो सरकारा राइज्योनि मोनफ्रोमबो गोजाम हारि-हारिसानि हेफाजाबजों खुंथायाव फैनो हादोंमोन होन्ना रायखांनानै आथिखालनि सरकारा बे समनिफ्राय राइज्योनि मोनफ्रोमबो हारि-हारिसानि गेजेराव थानाय खौसेथि गोहोखौ लानानै गोजोन आबहावा सोरजिनयनि बिथिडव खामनि मावगासिनो दड होन्नानै गिबि मन्थ्रिआ बुंबावो। थानाय सरकारनि माव बिबानाव लक्षीमपुर आरो धेमाजिजों लोमोसे बुलुंबुथुर सा बाहागोनि जौगानाया गोखै जायाखैमोन होन्ना रायखांनानै बे सरकारनि माव बिबानाव सा बाहागोनि जौगानाया दासान्दि थोजासे गोखै आवगायगासिनो होन्नानै गिबि मन्थ्रिआ बुडे। थानाय समाव आथिखालनि सरकारा सा-बाहागोयाव गुबुन गुबुन गोजौ सोलेंथायनि फसंथान आरो गुबुन गुबुन फसंथान फसंनो हानायजों लोमोसे दुलाराय जौगानायनि हाबाफारिखौ दिन्थिनो हादों होन्नानै बुडे। बेनिनो बगिबिल दालाइ जनाइजों लोमोसे दुलाराय धेमाजि-लक्षीमपुर जिल्लानि फोनांजाव खोन्दोसिम जरखा जाथावना खालामनो हादों होन्नानै बुडे। गावनि बिबुंथियाव गिबि मन्थ्रिआ जनाइनि एम एल ए भुवन पेगु, धेमाजिनि एम एल ए ड० रनज पेगु, मिसिं गाव खुंथाय गौथुमनि आफादगिरि पर्मानन्द साथिगियाखौ मिसिंफोर थानाय गाहाय ओन्सोलनि जौगाथायनि फारसे राहा लानो हानायनि थाखाय साबायखर जासियो। दिनैनि बे हाबाफारियाव लक्षीमपुर लक सभा बिथिबनि प्रधान बरुवा, अरुणाचलनि बारा'ए एम पि तारिपर गाउ आरो माखासे एम एल एफोराबो बाहागो लादोंमोन। लोमोसे दिनैनि बे हाबाफारियावनो दुलाराय बर' फरायसा आफादनि आफादगिरि दिपेन बर', अल आसाम ट्राइबेल संघनि आफादगिरि आदित्य काख्त्तारि, गर्खी, सनवाल कचारि, दिमासा, कार्बि फरायसा आफादनि दैदेनगिरिफोराबो बाहागो लादोंमोन।

# अमिताभ बच्चनआ उत्तराखान्डआव दावबायफैनायखौ बांहेनो थाखाय रियेलिटि स्व 'खौ हस्त खालामगोन

गोदान दिल्ली, 17 जानुवारी: बलिउड स्टार अमिताभ बच्चनआ उत्तराखान्डआव दावबायफैनायखौ बांहेनो थाखाय रियेलिटि स्व '100 डेज इन हेवनखौ हस्त खालामगोन। उत्तराखान्ड मन्थ्रि आफादन गेजेरजॉं शुक्रबारनि हर गेजेरसिम गिबि मन्थ्रि त्रिवेन्द्र सिं रावतनि सामलायनायाव जानाय जथुमायाव बेनि सोमोन्दै थांखि लानाय जादों। केबिनेट मन्थ्रि आरो रइज्यो सरकारनि बुंथिगिरि मदत कौशिकआ फोरमायदोंदि, अमिताभ बच्चननि बे स्व 'खौ



माखासे टिभि समाचार आरो मोनसे एड स्व', जाय इन्टारनेमेन्ट चेनेलफोराव उ त्तरा खान्ड आव फोसावनाय जागोन। बेयो दावबायफैनायखौ बांहेगोन, जै

अमिताभआ गुजरातनि थाखाय लिमिटेडआ बानायगोन। खालामदों बे स्व 'खौ सावथुन जायनि थाखाय राइज्यो प्रडाक्सन कम्पनीनि मेसर्स सरकारआ कम्पनीनो 12.81 जम्पिं टमेट' मार्केटिं प्राइभेट कौंटि रां होगोन।

## 2021 आव बयनिखुड़बो बांसिन सावथुनफोगव अक्षय कुमार आरो तापसी पान्नुखौ नुनो मोनगोन

## अक्षय कुमारआ टिवन्कल खान्नाखौ गिबि नुजेनायावनो मोजां मोन्दोंमोन



गोदान दिल्ली, 17 जानुवारी: बलिउड फावखुंगुर अक्षय कुमार आरो टिवन्कल खान्नाआ बयनिखुड़बो बांसिन हास्थाय जाग्रा जरफोरनि गेजेराव मोनसे। बिसोर सानैआ जानुवारी 2001 आव जुलि जादोंमोन आरो आथिखालाव बिसोरनि जुलिआ 20 बोसोर फुरा जाबाय। अक्षय कुमार आरो टिवन्कल खान्नानि लाभ स्टिरिआ गोबां आलादा। अक्षय कुमारआ गिबि नुजेनायावनो टिवन्कल खान्नाखौ मोजां मोन्दोंमोन। बिसोरहा सानै फिसाफोर दड,

कुमारआ टिवन्कल खान्नानि बिमा डिम्पल कापाडियानियाव फिसाजोखौ रायथिनो थाडो अब्ला बियो अक्षयखौ गे सान्दोंमोन। लोकोसेनो लोकोफोरखौबो बेबायदिनो हमदांथिदोंमोन। टिवन्कल खान्नाआ बै समाव गावनि केरियारआव नोजोर होनो हास्थायदोंमोन। जेब्ला अक्षयआ बिखौ प्रपज खालामदोंमोन। सावथुन मेलाया रिलिस जानो गोनांमोन, बेबायदियाव टिवन्कलआ अक्षयनि सिगांआव मोनसे शर्तखौ दोन्दों आरो बुंदोंदि, जुदि सावथुनआ बक्सआव जाफुंसारोब्ला गाव अक्षयखौ जुलि लागोन। जायनि उनाव सावथुनआ जाफुंसारो आरो टिवन्कलआ गावनो अक्षयनो फन खालामनानै जुलिन प्रपजालखौ लानानै गनायो।


गोदान दिल्ली, 17 जानुवारी: करना इनफेक्सननि जाहोनाव सावथुन इन्डास्ट्रिआव गोबां खहा जानायजों बुगिनांदों। आथिखालाव लासै लासै इन्डास्ट्रिआ ट्रेकआव फैफिनगसिनो दड। 2021 आव सलमान खाननि राधे, अक्षयनि बेल बटम, शाहरुखनि पठान, आमिरखाननि लाल सिं चडढाजों लोकोसे गासै 50 गिदिर सावथुनफोरा रिलिस जासिगोन। मख 'जाथाव बाथ्राया बेदि खालि अक्षयनि' 6 गिदिर सावथुनफोरखौ गिदिर पर्दायाव नुनो मोनगोन। फारसेथिं तापसी पान्नुखौबो रश्मि राकेट शाबाश मितु, लुप लपेट, हसीन दिलरुबा, बायदि सावथुनफोराव नुनो मोनगोन। खान स्टारफोरनि सावथुनफोरनि बाथ्राखौ बुडोब्ला सलमाननि राधेआ इदआव रिलिस जागोन आरो आमिरनि लाल सिं चडढया क्रिसमासआव रिलिस जागोन। फारसेथिं शाहरुखनि फेन्सफोराबो बनि फाव खालामफिननाय सावथुन पठानखौ नेनानै दड। जाय दीबालिआव रिलिस जागोन। ट्रेड एनालिस्ट आरो क्रिटिक जगिन्दर टुटेजानि बायदिब्ला इन्डास्ट्रिआ बे गिदिर



खहा जानायनिफ्राय बायजोआव फैफिननो थाखाय गोबां सम नांगोन।

## वरुण धावन आरो नताशा दलालनि उरुना सि जोम होनायनि आसार खान्थिया जासिगोन

गोदान दिल्ली, 17 जानुवारी: फावखुंगुर वरुण धावन आरो नताशा दलालनि नख 'रनि सुबुंफोरा उरुना सिखौ जोमहोनायनि आसार खान्थिखौ फालिसिगोन आरो नख 'रनि सुबुंफोरा 22 जानुवारीआव आसिबागनि थाखाय ऑखार लांसिगोन। खौरनि बायदिब्ला फैनो गोनां सप्ताहयाव वरुण धावन आरो नताशा दलालआ जुलि जासिगोन। फोरमायनाय बायदिब्ला 24 जानुवारीआव बिसोर सानैआ आलिबागआव जुलि जागोन। बेवहाय नख 'रनि सुबुंफोर आरो खाथिनि सोमोन्दो गोनां सुबुंफोराल' बाहागो लागोन। गासै 200 सुबुंफोरनि थाखाय आलिबागनि हटेलआव राहा लानाय जादों। आथिखालानि खौरनि बायदिब्ला आलीबाग थांनानयनि सानसे सिगां बरुण आरो नकाशानि उरुना सि जोमहोनायनि सेरेमनिआ जागोन। बेवहाय बिसोर सानैनि नख 'रनि सुबुंफोरा



बाहागो लागोन। नताशा दलालनि जुहुआव थानाय न' बिल्डिंआव बरुण धवन आरो बनि नख 'रनि सुबुंफोरा थांगोन। पिंकबिलानो सासे सुलुडा फोरमायदोंदि, बरुण धावननि नख 'रनि सुबुंफोरा नताशानि न'आव सना रुपा, गोबां अन्थोब आरो जाग्रा मुवाफोरजों लोकोसे गोजा

गाबनि उरुना सिखौ लानानै थांगोन। जानो गोनां बिखुन्जोआ बिहामजोनि खर 'खौ गोजा उरुनाजों खोबनानै होयो आरो बे आसार खान्थिखौ उरुना जोमहोनाय बुडो। बे सेरेमनिआव सानैबोनि नख 'रनि सुबुंफोराल' बाहागो लागोन।

मख 'नो गोनांदि, सावथुन सुई धागानि प्रमसननि समाव बरुण धावनआ नताशा दलालजों लोकोसे रिलेसनसिफखौ कन्फार्म खालामदोंमोन। बियो बुंदोंमोनदि, गावसोर सानैजों डेट खालामगसिनो दड आरो थाबैनो जुलि जासिगोन।

## शाहरुख खानआ राजकुमार रावनि आइडेल जादों

गोदान दिल्ली, 17 जानुवारी: फावखुंगुर राजकुमार रावखौ गावनि रिलिस जानो गोनां सावथुन दा हवाइट टाइगरआव प्रियंका चपड़ाजों लोकोसे नुनो मोनगोन। बावैसो समाव होनाय मोनसे इन्टरभिडआव राजकुमार रावआ सावथुनआव प्रियंकाजों लोकोसे फाव खालामनानै मोननाय गावनि मोन्दोंथिनि सोमोन्दै फोरमायदों। बे समाव बियो शाहरुख खानखौ गावनि आइडेल होना फोरमायदों। बियो बुंदोंदि, गावनि फावखुंगुर जानायनि मोनसेल 'जाहोनानो जादों शाहरुख खान।



शाहरुखनिफ्राय सासे फावखुंगुर आरो सासे सुबुंथिनि महरै गाव गोबां बाथ्राफोरखौ सोलेंदों। बनि बायदिब्ला शाहरुख खानआ अरायसम गावनि

मोन्दों। गाव बनि दावबायनायजों सरजाबनो हास्थायदोंमोन। मख 'नो गोनांदि, सावथुन क्वीन 'आ जाफुंसारनायनि उनाव राजकुमार रावआव गावनि आइडेल शाहरुख खानजों लोको हमदोंमोन। शाहरुखजों गावनि गिबि लोको मोननायनि सोमोन्दै राजकुमारआ बुंदों, गाव महबुब स्टुडियो 'आव सुटिं खालामगसिनो दडमोन। बे समावनो गाव खोनानो मोन्दोंदि, शाहरुखआबो बेवहाय सुटिं खालामनो थाखाय फेंदों।

## बिल गेटआ आमेरिकानि बयनिखुड़बो देरसिन आबादारि जादों



गोदान दिल्ली, 17 जानुवारी: माइक्रोसफ्टनि गायसनगिरि बिल गेटआ आमेरिकानि बयनिखुड़बो देरसिन आबादारि जादों। बियो

हादरनि दर 18 रइज्योफोराव 2 लाख 42 रोजा एकड हाखौ बायदों। बे हाफोय आबाद मावनायनि थाखाय मोजां। मुलुगनि 4 थि धोनि बिल

फाउन्डेसनआ आफ्रिका आरो मुलुगनि गुबुन गुबुन जौगाखां हादरफोरनि फिसा-फिसा आबादारिफोरनो आबादथिलिखौ जगायनानै होनायाव मदद खालामगोन। बिल गेटआ आमेरिकानि लुसियानायाव 69 रोजा एकड, अर्क न्सासआव 48 रोजा एकड, एरिजनायाव 25 रोजा एकड हा बायदों। बिल गेटआ आबाद बिथिंखो जौगाखां होयोब्ला आमेरिकायाव सास्टेनेबल फार्मिआ गोबां मदद मोनगोन।

## चीनआव आइसक्रीमआव करना भाइरास मोन्दों



गोदान दिल्ली, 17 जानुवारी: मुलुगनाडै सुबुंफोरनि गेजेराव गोसारनाय करना भाइरासआ आथिखालाव आइसक्रीमआव बो गोसारबाय। बे केसआ तियानजीन मिउनिसिपालिटी ओन्सोलनि, जेराव

इनफेक्सननि हेंथायै हाबा मावनाय बिबानगिरिफोरनो मोन 3 आइसक्रीमनि सेम्पलआव करना भाइरासनि इनफेक्सन मोननाय जादों। आथिखालाव खुंथाया बै सुबुंफोरखौ नागिरदों, जाय आइसक्रीमखौ बाहायदोंमोन। आइसक्रीमखौ तियानजीननि

दाकिअदाव फुड कम्पनीआ बानायदोंमोन। आथिखालाव इनफेक्सननि जाहोनाव कम्पनीआ 2089 आइसक्रीम डिब्बाखौ सिलिंखार खालामबाय। बिबानगिरिनि बादिब्ला, आइसक्रीमनि गं 4,836 डिब्बायाव करना भाइरासनि इनफेक्सन मोननाय

जादों। तियानजीननि बाइजोनि जाय ओन्सोलफोराव आइसक्रीमखौ दैथायहरनाय जादों, बेवहाय बाजार सामलायगिरिफोरनो बेनि खौरांखौ होनाय जाबाय। जाय बाहायगिरिफोर आइसक्रीमखौ बायदों, बिसोरखौ गाव-गावनि देहानि खौरां होनो थाखाय बाथ्रा बुंनया जादों। कम्पनीआ 1 रोजा 662 मावसुमाफोरखौ करना टेस्ट खालामहोदों आरो बिसोरखौ क्वारेन्टाइनआव दोन्दों। करना भाइरासआ आइसक्रीमआव गोथाडै थानानै थाबाय थादों, मानोना बेवहाय गोबां गुसु जायो। बिबानगिरिनि बादिब्ला सोरबा इनफेक्सन जानाय सुबुंनिफ्रायनो करना भाइरासआ आइसक्रीमआवबो गोसारदों।

# गथ'-गथाय मोजाडै खांनायनि राहा

मुस्रि शान्ति नाथ ब्रह्म

आं दिनें गथ'-गथायनि बाश्रा लानानै नोंथांमोननि सिगाडव फंनैसो बाश्रा सावरायनो सान्दों। बिमानि गोरबोआव थानायनिफ्राइनो गथ'नि मोजां गात्रिखौ सानखांनांगो। मानो होनब्ला-गथ'आ बिमानि गोरबोआव थायोब्ला बिमा जानायनि रसरखौसो मोनजायो। बेनिखायनो गोरबोआव थानाय लोको लोको बिमाया जेखौ जायोब्ला गथ'आ महर मोजां, गियानी,बोलो गोरा जानो हायो बेफोरबादि मुवाखौसो जाहो नांगो। ना मागुर, सिंगि, घिउ, माखन, गाइखेर, फुलकपि, बान्दा कपि, लाफा, फालें बाइदि-मैया

मैगं जाहोनांगो। गथ'आ गोरबोआव थानाय समाव बिमानि महरखौ मोजां लाखिनो थाखाय खाथियाव थानाय डाक्टर खानायाव दिन्थिनानै 'आयरन बडि' नडाब्ला फलिक एचिड बडि जाहोनांगो। गथ'नि मोखां नुनाय लोको माब्रं लाखिनांगो बेफोरखौ बिमाया जेरेबो नोजोर लानांगो। गथ' गोलेँ समाव थुखैनयनि सिगां मा मा जिरत नांगो मुवाफोरखौ ज'गर खालामनानै लाग्रोनांगो, जेरे-थाव गुरै, दुंबुर दे, साबोन, गामसा बाइदि बाइदि। बेनिफ्राइ थुखेनायनि राहा लानांगो। साबोन हुनानै मैलाखौ मोजाडे सुनानै होनांगो। मानोना बिगुरनि मैलाया चाफा जाब्लासो

मोदोमनि गुदुंजो बारआ थांलाय-फैलाय खालामनो हायो। थुखेखां नायनि उनाव गोरान गामसाजों हुगारनानै गथ'खौ थाव-पाउदार आरो ग'स्ता गानहोनानै दोन्नांगो, जाहाथे बिसोरनि मोदोमाव गुसु गोलेनो मोना। ग'स्ता गैयाब्ला मोजां चाफा सि बिखायाव फिनानै दोन्नांगो। बेनिफ्राइ बिमाया गाइखेर दौनानै दोन्नागो। बेनि अनगायैबो गथ'-गथाय बेमार जानो हायेनि थाखाय इयुननि लामाखौ लाखानांगो। जेरे-बसन्त बेमारनि थाखाय बेदो, यक्षा बेमारनि थाखाय बि,चि.जि बेजी। डिपथेरिया हुपिं काफ बेमारनि थाखाय एन्टिजेन बेजी। गथ'-

गथायनि बेमारनि थाखाय पलिभरीन जानाय। कुकुर कानानि बेमारनि थाखाय ए आरो डि केपसुल। थै गैथै बेमारनि थाखाय आयरन बडि। बिमानि गाइखेरखौ दान 5-6 जाहोनांगो। हायोब्ला बोसोरसे जाहोनांगो। बिमानि गाइखेरबादि मोजां आरो गोथार गुबुन गाइखेराव मोननो थाड। बेखायनो गथ'फोरखौ बिमानि गाइखेरजों हागोमानि खांनांगो। गथ'-गथाया देरनायनि लोको लोको उन्दैफोरनि जानायाबो बारायलाडो। बेनि थाखायनो मोसौ गाइखेर, थालित दाउखा रुनानै ओंखामखौ सिगिलनानै दौनांगो। जेन्ना बोसोरब्रै-बोसोरबा जागोन अब्ला

बिसोरनि मोजां गात्रिखौ बिमाया नाइनांगो। जाहाथे बिसोर गात्रि जाया, गात्रिखौ बिमाया नाइनांगो। जाहाथे बिसोर गात्रि जाया, मोजां लामायाव थाडो, बेखौबो बिमा-बिफाया नाइनांगो। बेनि लोको लोको स्कु लाव हाबनायनि बाश्रा। स्कुलाव थांनायनि सिगां बिमाया गथ'फोरखौ थुखैनानै, जाहोनानै, खानाइ खानानै, बुजाइनानै स्कु लाव थिनहरनांगो। जाहाथे गथ'फ्रा मेलेम गोनां आरो बोलोगोरा, गियानी मानसि जायो बेनि थाखाय ना बेदर दाउदै घिउ माखन, फिथाइ सामथाइ जाहोनांगो। उन्दै समाव गथ'

गाथाया सम सम खालामनानै लानांगो। जों मोनथिनो मोनो गामि सिंनि मानसिफ्रा गथ'-गथायफोर बेमार जायोब्ला मोजाडे चिकितसा खालामाब्लानो फारौ दाउसा होनानै नडाब्ला- मोदाय दावदाय फुजिनानै गथ'-गथायखौ फोथैनानै लायो। बिब्दि खालामालाब्लानो खाथियाव थानाय डाक्टरखानायाव दिन्थिनानै मोजां खालामनानै लानांगो। दानि युगखौ सानखानानै गथ'-गथायखौ सानै एबा साथामनि बारा

खालामनानै लानांगो। जों मोनथिनो मोनो गामि सिंनि मानसिफ्रा गथ'-गथायफोर बेमार जायोब्ला मोजाडे चिकितसा खालामाब्लानो फारौ दाउसा होनानै नडाब्ला- मोदाय दावदाय फुजिनानै गथ'-गथायखौ फोथैनानै लायो। बिब्दि खालामालाब्लानो खाथियाव थानाय डाक्टरखानायाव दिन्थिनानै मोजां खालामनानै लानांगो। दानि युगखौ सानखानानै गथ'-गथायखौ सानै एबा साथामनि बारा

खानो नाडा। बेनि बाराब्ला-बिमानि महर मुस्रिया गात्रि जायो। गथ'-गथायाबो जानाय लोनायाव कस्ट जायो। लोको लोको नख'रनि रां-खाउरीनि फारसेबो गोबां हेंथा फैयो। नख'रआ मोजां थानोब्ला गथ'-गथायफ्रा लेखा गोरों, गियानी मानसि जानांगो। बेनि लोको लोको गथ'-गथायनि बिमा-बिफाया बेमार आजार गैथै जाब्लासो नख'रआ मोजां एबा सुख गोजोन जायो।□

## बर'नि सल' बाथा आरो माहारियारी बेसेन

(□ 2 बिलाइनिफ्राय) **बर' सल'बाथायाव धोरमखान्थि :-** मोनफ्रोमबो हारि एबा हादराव धोरमनि आसार खान्थिफोरबो मोनफा सल' बाथा जोनोम जानायाव थुलुंगा होदों। स्थिथ थमसना बुंदों- "Religion also has played a mighty role everywhere in the encouragement of narrative art, for the religions mind has tried to understand beginings and for ages has told stories of ancient and secret beings." बर'आ गावनि हारिनि धोरम खान्थि दं। बेफोरखौ लाना बर'नि गेजेराव गोबां सल'बाथा सोमजिखंदों। जेरे :-बुहुमनि जोनोम, डिबा बोराय-डिबिबुंरै, सान्दि बावदिया मोनसिंसिं बोराय सल'बाथाफोरा बे थाखेनि सल'बाथा। बेफोर सल'बाथायाव बर'नि धोरम सानस्री, आसारखान्थि, माहारिनि सावगारिफोरा बेरखांदों। बे बुहुमाव सुबुं हारिया बाँरे जोनोम मोनखो, रायजो जानायाव एबा थांना थानो बर'फोरा सोर मोदायखौ माबोरै सिबियै आरो फुजियो, मा नेमखान्थि दं, बुजियैनि थाखाय माबादि जालाय जाखायाव गोलेनांगो बेखौ मोन्तो थाडो।

**बर' सल'बाथायाव बोराय बाथौ :-**बर' सल'बाथानि गोबां सलआव बोराय बाथौनि बाश्रा मोन्तो थाडो। सल'नि गाहाय आखलाव थानाय हौवा एबा हिन्जाव भावनागिरिया खैफोतआव गोमलैया अबंलाउरी एबा बोराय बाथौखौ हांखायनाय, भावनागिरिया गोरौन्थि हाबा मावब्ला साव होनाय जाथाय नुनो मोनो। एखनब्ला भावनागिरिखौ दर्जाय जालायाव खोखलायनाय नुब्ना बोराय बाथौवा बोखांनाय एबा रैखा खालामनाय नुनो। फारसेथि सैथोनि जै, असेथिनि जेन्नाय बाश्राखौ फोरमायथिना सुबुं माहारिखौ सैथोजों आगान सुरनो फोरोंनाय नुनो मोनो। गुबुनखौ थगायब्ला गावनो थगायजाफिन्नाय, सिखावनि साजा, बायदि बोसोनखौ होनाय जायो। बर' सल'बाथानि बाश्राखौनो बर'फोरा सानथोरनि बोसोन बादिथै मानिना सोलिबोदों। रामायण, महाभारत,गीता, भागवत, बाइबेल क'राणनि गोथौ आरो मेहेर गोनां बोसोन फोरबो बर'सल'बाथायाव मोन्तो थाडो। सानफ्रोमबोनि रायजो जानाय, हाबा-हुखा मावनायाव बर'फोरा सासथोरनि बोसोनफोरखौ मानिनां सोलिबोदोन। मैहुराव थांना मोसा, मुफुर, मैदेर, गान्दाजों मोगामोगि जाना सासे मैहुरारीया माबोरै रैखा मोनखौ माबोरै बारग'खौ बेफोरखौ बर' सल'बाथानि गेजेराव मोन्तो थाडो। मैहुरारीफोरा बेफोरखौ आगानफ्रोमबो गोसो थांना मानिनो सोलोडो। हाबा-हुखा, फुजा होनाय, माहारिनि खान्थि फालिनाय गावजों गाव गोरौबलायनायाव बर' सल'बाथानि गोहोम गोलेनाय नुनो मोनो। बर' सल'बाथानि बिथाखौ लाना गोबां बर' खन्थाय, फावनाय, जोनोम मोन्दों। बर' सल'बाथाफोरखौ लाना गोदोनिफ्रायनो फानाय लिरना जात्रागानाव दिन्थिनाय जाबोदों। इयुनाव बेफोर सल'बाथाफोरखौ बुधुमना थुनलाइ महर होयोब्ला बर' थुनलाइयाव भान्डारी होनाय जागोन होन्ना मिजिक थिनानै थायो।□

# माया जे

(□ 2 बिलाइनिफ्राय) ज'ब्रायाव गोलेनानै लेला लेलाइ जाबाय। मा फापनि थाखाय बिब्दि साजा मोनखो। आं बुंस हालिया! बिखौनो नाइसानो जों ओंखारदों। आनि खोथाफोरखौ गोसो होनानै सेंग्राया खोना संदों मोन जानांगो। गोनोखो आयदानि फरायसा सेंग्राया। मुसुखाजों समान थाखोआव फरायगासिनो दं। बियो गोसोआव गोनां खोथा बुंसनबाय। बिनि खोथाखौ खोनानानै आं असदा असदा मोनबाय बिखाखौ खाइसिब मोनखांबाय। आनि गासै सानबोलावरी आरो सानस्री-मुस्रीखौनो देबोर फोनां जोब्याय। सेंग्राया बुंदों मा, 'थेनाय-थांनाय उजिनाय बिज्ञाननि बाश्रा। बिज्ञाननि खान्थि बादिनो थेनाय-उजिनाय जाबाय थागोन। हौवासा-हिन्जावसा उजिनायाबो बिज्ञाननिनो राव। बेव फाप-फुन्थनि खोथा गैया। जौनि खालि समजोंल' आगान सुरफानो हानांगो।"

समजों आगान सुरफानाय! सेंग्रा समजों आगान होगासिनो दं? मुसुखाखौ लोको हमबाय थानायाबो समजोंनो आगान सुरफानाय? बिनि मतलबआ मा? आंहा फाख्खा गोसोआव दं-सेंग्रा समाव आमुखिजों हलि-गलि खालामनायखौ आइया मोबायजोंबो नाइनो हायाखैमोन। बियो बुंबाय थादोंमोन, "बिब्दि हौवाफोरजों हलि-गलि खालामग्रा हिनजावा लक्ष्मी सारा जायो। बिब्दि हिन्जावजों जुली जाब्ला हौवाफ्रा दुखुनि ख'बाव गोले नडो।" बे खोथाखौ बियो सानदों दाबि?

गावनि हास्थायनायनि हेंथायै जानाय जौनि जुलिखौ आइया गोलेयै गनाइनो हायाखै मोन। बियो जोंखौ सावयैदोंमोन- "फिसा हौवा दामोनथों" दासिम आंहा फिसा हौवा गैया। आमुखिहा फिसा हौवा गैया। साखि-बाखि गैथै सेंग्राखौ मुसुखाजों हलि-गलि खालामबाय थाब्ला आरो जुलीनि रादाय होब्ला, फिसा हौवा गैयायैमालाय आमुखिया गोलेयै बिखौ बिजामादे हिसाबै आजावनो हागोन होन्दा? आर सेंग्राया बुडो मा-समजों आगान सुरफानाय। हाबाया गोलेथार, एलजाब्रानि गोले समानथाय बादि। नाथाय आनि बिख्खोआ बुडो-जीउवा एलजाब्रानि गोले समान थाय बादि गोलेयै स्र' खालामजाया। फिसा हौवा गैया सेंसारखौ लानानै जौनि गेजेराव बेसेबांदि जाथाय जालांखो? बिहारी लानायनि बाश्रा, फाप-फुन्थ, सोर्गो-मैदो, देरहानाय-जेन्नायनि खथ' बाद-बादि। जौनि जुलीनि उनावनो आइया जौनि मोखांखौनो नाइयाखै। बे खाबुखौ लानानै आमुखिया सुखुनि संसार हास्थायनानै गोखै न'निफ्राय जुदा जाबोदों। दिनेंसिम आइया फिसोफोरनि मोखां नुयाखै।

बि आइयानो दिनें गोब्राब ज'ब्रायाव गोलेदों। थेनायनि दरखं गाहां गाहां। थेनाय समाव मानसिफ्रा गासिबो फाप-फुन्थ, बोराबनाय-मोहेरनाय, लुबैनाय हास्थायनाय-गांनायनिफ्राय फुरा उदां मोनांगो। बेसेबा गोबाव रागा जोंहाबना थानाय बुरैया थैनोसै समाव जौनि आर फिसाफोरनि मोखां नुब्ना मा मुद लायो? जौनि दाय फोदो गोरौन्थिफोरखौ निमाहा होना बोर सारस्रि लोनाय नडथ' आइया? आं हास्थायो आइनि थेनाया गोजोन जाथों, सान्थियै थैलानो हाथों आइया। आइनि थेनायसिम समाव आनि गोबोबाय सौग्राव सौसि जाफेनाय बेफोर गोसोप्लितखौ सोरबा फंसेयै "थेनाया मोनसे जीब-बिज्ञाननि खान्थि, बेवहाय फाप-फुन्थनि खोथा गैया" होन्नायै थोंजोडै दे गुसु लुस' नब्लानो रैखा।□

## सुंद' सल'

ओइस. इरागदाव फादागिरी

हेल' खोरुम .....। ओय बाजौ खोरुम न'आव दंना गैया ?खोरुम बिबाजै आ लामानि लांगोनायाव थानानै गुरै रावजों फिनहरो ए. माथो, जोनोम मोनसोलाय, फै खोरुम न'आवनो दड। न'आवनो माबेरै सानसे गाहाम जनानै थानो हायो ब्रा जोंखौलाय माथो दसेबो जनानै थायो हायौ जौनि मासिआवनो एम्फौ दड-खोमालै अर दावबाय थायो। थोत जाम्बालाय। नोंसोर मा खोरों आसो बांसिन। खोरुमा न'सिनिफ्राय ओंखार बोयो आरो जोनोम आरो हाब्रांखौ गावनि रुमाव लानानै थाडो। दसेनि उनाव खोरुम बिबाजै आ साहालानानै रुमाव हाबफैयो आरो बुडो-जोनोम माथो दिनैसो दिननैसो नडलै बाजे खोरुम बिबाजै आ बुडो माबाफोर खौरां दडनामा? जोनोमा फिन बुफिनो माबालै बाजै गाबोननिफ्राय तितसन

## बारसे बिबार: मानै सिख्रि

दड। कक'लाबारी हिन्जावसा गोजौ फरायसालिआव बेखौनो खौरां होनो फादों। मानि ? बिगियान खौरांनि लैबायै। दे बिब्दिब्ला रायज्जलाय आंहा गोबां खामानि दड। बिब्दि बुंनानै खोरुम बिबाजै आ ओंखारलाडो।

खोरुम जोनोम आरो हाब्रांमोनहा मोन से थाखेनिनो फरायसा बिसोर साथामबो कक'लाबारी हायार सेकेण्डारी स्कुलाव जि थाखोआव फरायो। साथामबो खि' एरख' लायग्रा लोको बिसोर। फरायसालि, मिथि-दावथि जेराव ज'ज' गिदिडो। फरायसा हिसाबै बिसोर जेरावबो बाहागो लायो बिनिखायनो सावसबो गोरा। साथामबो बिसोर फरायनायनि सोमोन्दै बाश्रा रायज्जलायो बिनि उनाव खोरुमा जोनोमननाव सोडो- फरायसाफोरालाय साबैसे जाखो ना जों सातामल' ? नडलै हिन्जावफोरबो। खोरुम: हिन्जावफोरबो ....! जोनोम:

अलै हिन्जाव फोरबो मालाय हिन्जावफोरासो सिगां सोंगरोदोंनोलै बिनि खायनो बिसोर जोंसो ज'फोरुडेनो। आधिखालनि फोरोंगिरि मोसौ बोराया जेरे गांसो गोरलै नौगिरो बिसोरनोबो लाइक बिब्दिनो। जोनोम : दे दाबो जेबो नड जागोन जॉल थिख जा। थि बे सामावनो जोनोम बिबाजैआ रुमाव हाबफै फिनो आरो जोनोम आरो हाब्रांखौ ओंखाम जनानै थानो होयो। बे समावनो जोनोमा बुंधेना होयो नड बाजै माब्लाबा जागोन दिनें नड आरो दिनें बाजार बाजारव थांनांगौ दड। जोनोम बिबाजैआ अखा खालामासै। जोनोम आरो हाब्रांमोनहा खोरुमनि न'खरखौ माथो होप्रांनानै बिदाय लानानै बाजार फारसे ओंखार बोयो सानैजों। लामाजों गोबां मानसि साइकेल सालायनाय, थैला गारि नारनाय बायदिजों दालराल। दसेनि फनाव बाजार मोनबाय। बाजारव बिसोर माबा माबि

(□ 1 बिलाइनिफ्राय)

## उलुबारिआव सिल्पि दिवस फालिनाय हाबाफारिखौ देखो रोजाबनायजों मेहेरगोनांसिन खालामदों

आगरवालानि दिनें 70 थि थैनाय सान। दिनें सिल्पि दिवस महैरे बासुगावनि साखाथियाव थानाय उलुबारियाव मोनसे मेहेरगोनां हाबाफारिजों खुंफुनाय जायो। चिरां जिल्ला साहित्य सभानि हेफाजाबव आरो उलुबारि गेजेर इंराजी फरायसालिनि हेफाजाबजों फरायसालिनि लांगोनायाव खुंनाय सिल्पि दिवसनि हाबाफारिखौ जिल्ला आफादगिरि गौरि शंकर बर्मनआ साहित्य सभानि फिरफिलाखौ बिरहोनायजों जागायजेनो। हाबाफारि बायदिथै गोसोखांथि सावगारियाव बिबार बाउवो आफादनि मिरु सोद्रोमा अमृत नारायन पाटगिरिया। देखोगिरिनि गोसोखां सावगारियाव बिबार बाउवो हाजि इस्लामआ। जिल्ला आफादगिरि बर्मननि मासि सामलायनायाव खुंनाय गोसोखांथि मेलयाव रुपकवर ज्योतिप्रसाद आगरवालानि बिहोमा होलांनाय जिउ जारिमिननि सायाव सावरायो। बे हाबाफारियावनो फरायसालिनि फरायसाफोरा देखो रोजाबनानै मेलखौ मेहेरगोनांसिन खालामो। बे हाबाफारियाव गुबुन गुबुन दैदेनिगिरिफोराबो बाहागो लादोंमोन।□

## बि टि आर मावफुं सोद्रोमा अरुप कुमार देआ तामुलपुरनि देहा फाहामसालियाव नायगिदिं हैदों

राजाफोरनि थाखाय सिबिथाय होनाय राहाखौ साबसिन खालामनायनि थांखिजों बि टि आरनि मावफुं सोद्रोमा अरुप कुमार देआ दिनें तामुलपुर महकु मानि सिडव थानाय माखासे देहा फाहामसालिफोराव हरखाब नायगिदिं हैनानै देहा मिरुफोरनि सिबिथाय होनाय राहाफोरनि सायाव खौरां लायो। मावफुं सोद्रोमाया दिनें 12 रिंगासो समाव तामुलपुर गुदि देहा मिरु, मोन 30 बिसिना थानाय देहा मिरुजों लोकोसो नाग्रिजुलि मडेल देहा फाहामसालिखौबो नायगिदिं हैयो। बे नायगिदिंनाय समाव मावफुं सोद्रोमाखौ दैदेनो 27 नं नाग्रिजुलि बिबाबनि एम सि एल ए धर्म नारायन दास, राभा हारिसानि बिसायख'जानाय सोद्रोमा हेमेट कुमार राभा, फाहामसालिनि गागि फाहामगिरि मनहर दास आरो बजन दासआ। बे समाव फाहामसालिफोराव थानाय गुबुन गुबुन अजद आरो जेनाफोरखौ खौरां लानानै थि समाव देहा मिरुफोराव सफेनो हायै बिबानगिरिफोरखौ गोखों नोजोरजों बिथोन होयो मावफुं सोद्रोमाया। फुंनि 10 रिंगानि उनाव फैनाय साफ्रोमबो बिबानगिरिफोरखौ फाहामसालियाव सफैयै खालामनाय जागोन होन्नायै थि समाव बिबान सामलायै बिबानगिरिफोरनि सायाव गोखों राहा लानाय जागोन होन्नायै मिथिहोयो। खौरांगिरिजों जानाय मोनसे मोगा-मोगियाव मावफुं सोद्रोमाया बुडेदि, महकुमानि माखासे देहा मिरुयाव थाबैनो इमारजेन्सि जगायथाय होनायनि राहा लानाय जागोन। थांनाय सानफोराव बेफोर फाहामसालिया जौगाखांनो गोनांथि दडमोन नाथाय बे रोखेमनि जौगानायखौ नुनो मोनाखै। बि टि आरनि गंफ्रोमबो देहा फाहामसालिफोरखौ जौगाखां होनायनि बाश्रा बुंनानै मावफुं सोद्रोमाया तामुलपुरनि जायफोर देहा फाहामसालियाव दासिमबो फाहामगिरिनि आंखाल दड-बेफोर जेनाखौ थाबैनो समाधान खालामनो नाजागोन होन्नायै बुंबावो।□

लानानै दसे बेराय दिडो बिनिफ्राय बिसोर न' फारसे आगान सुरो। मानोना जोनोम आरो लामायाव तितसन नि सोमोन्दै रायज्जलायबोगासिनो दड। थि बे समावनो हाब्रांआ बुडो-जोनोम तितसन लानानैलन जाया न'आव एसेबो स्टाडि खालामाल्ला माइरं गैया। आधिखालाव बर'थुनलाइ आफादआ मेट्रिक आनजादआव जायनो बांसिन मोजां नम्बर मोनानै जुदि बर' थुनलाइ' सुयो। सुखानायनि उनाव बियो आवबो बांसिन नम्बर मोनोब्ला

बेनो बर' थुनलाइ आफादआ गांसे बाखानाय बिलाइजों लोकोसे 1001.00 रां बान्था होयो। बे बान्थाखौ जोंबो लानो नाजानांगोन। बे बायदि राज्जलायै राज्जलायै माल्लादि न'न फारसे मोनहैखो आन्दाजआनो गैया। दानिया बिसोरबो गावबा-गाव गावस्रानानै नफारसे थाडो। दिनें सम्बारनि साना बाबेन लाडो। अखानायै हाब्राड फुडववनो सिखारना हाथाइ आरो मोखां सुयो। सुखानायनि उनाव बियो (उन बिसानाव)

(□ 1 बिलाइनिफ्राय)

## से कौटि रां लानायनि अजदआव सि बि आइआ रेलवे अफिसारखौ खादों

नर्थ इट प्रन्थियार रेलवेनि मोनसे प्रजेक्टनि थाखाय से कौटि रां लानायाव फोरमान मोन्नायनि गेजेरजों सि बि आइआ बिखौ हमनाय जायो। मख'नो गोनांदि,आइ आर इ एसनि अफिसार मनिन्दर सिं सौहानखौ मालिगावयाव थानाय एन एफ आरनि गाहाय मावख'थाव थिसन्नाय जादोंमोन। नाथाय बिनि आयेन बेरेखायै रां लानाय अजदआव सि बि आइआ बिखौ दिनें हमनाय जायो आरो बेजों लोब्बा थाफानाय गुबुन सानै सुबुंखौबो हमनो हायो। दासान्दि अफिसार सौहानखौ सि बि आइआ दखलाव लानानै रां लानाय अजदनि सायाव सोंथि खालामनाया सोलिगासिनो दं होन्नायै सुलुडव फोरमायदों।□

## कक्राझार जिल्ला गर्खा फरायसा आफादनि बोसोरारि जथुम्माया जोबलांबाय

हाबाफारिजों खुंनाय सान्नेनि हाबाफारिजों खुंनाय बोसोरसालिया जथुम्मानि दिनें नैथि सान एबा जोबथा साननि गेवलां मेलखौ दैदेनो जिल्ला आफादगिरि सुभाष परकेलआ। गर्खा फरायसा आफादनि बि टि ए डि ओन्सोल आफादनि गाइसन गाहाय नेहाथारि माधब कार्किआ हारिनि मुंखलं रन्जित कार्कि मन्सखौ बेखेवनाय मेलव गाहाय आलासि महैरे बाहागो लायो गर्खा फरायसा आफादनि लेडइ आफादगिरि दिलिप गजरुल, माननि आलासि महैरे बाहागो लायो गर्खा फरायसा आफादनि मिरु नेहाथारि नमुल सेत्रिआ। बेखेवनाय बिबुंथियाव माधब कार्किआ बुडेदि, आसामआव थाबोनाय गर्खाफोरा गुबुन हादतनिफ्राय फैनाय हारि नड। आसामनि गोबां जुग-जुगनिफ्रायनो गुबुन गुबुन जायगायाव गर्खा सुबुंफोरा राइज्यो जाबोदों। गर्खा सुबुंफोरखौ गुबुन हादातारि बुंनो थांनाय सुबुंफोरा गर्खाफोरखौ जारिमिनखौ बेखेवनायै नायनाय एबा फरायनाया जोबोद गोनांथार। आसामनि दुलाराय जौगानायाव गर्खा सुबुंफोरनि थोजासे बिहोमा दं होन्नायै कार्किआ बुंबावो। गागि आलासि महैरे बाहागो लानाय लेडइ आफादगिरि दिलिप गजरुलआ बुडेदि, गेदेर आसाम दाफुनायाव गर्खाफोरनि थोजासे बिहोमा दडब्लाबो गर्खा हारिया खेबले-खेबले नेवसिगारजाबोदों। राइज्यो सरकार समान जौगानाय, समान मोन्थायनि स्ल'गान होबोदोंब्लाबो नाथाय गर्खा सुबुंफोरा समान जौगानाय बिथिडव समाव बाहागो मोनाखै। सरकार बाश्रा होबोबाय थादोंब्लाबो आसामनि गर्खा सुबुंफोरा दासिम मोनसेबो जेनाखौ बोस्रां जायाखै। बे मेलवनो मिरु नेहाथारि नमुल सेत्रिआ बुडेदि, नसुसे राइज्यो सिक्किमआव गर्खा सुबुंफोरा एस टिनि मानखौ मोन्तो हादोंब्लाबो आसामआव फाव फान्दायनायनि थाखायनो गर्खाफोरा बे मानखौ मोन्तो हायाखै होन्नायै रायखांन भारतनि संबिधान बायदिथै गर्खा सुबुंफोरनोबो खाबु होनांगौ होन्नायै दाबि खालामो। मख'नो गोनांदि, जथुम्मानि गिबि सानखालि थान्दै मेलव जिल्ला आफादनि सिडव थानाय मोन 6 दख'रा आफादफोरखौ लानानै सुभाष परकेलखौ आफादगिरि आरो किरन सेत्रिखौ गाहाय नेहाथारि हिसाबै बिबान होना गासै सा 37 सोद्रोमाफोरखौ लानानै गोदान आफाद दाफुनाय जायो।□

# वेनि रुनेनि फुटबल गेलेनाय केरियारआ जोबथाबाय

(रुनेआ डेरबे क्लबनि मेनेजार म्हरै बिबान आजवबाय)

लन्डन, 17 जानुवारी: इंग्लेन्ड फुटबल हान्जानि गोखें गेलेगिरि म्हरै मिथिसारजानाय वेनि रुनेआ गावनि गोलाव बोसोर गेलेनाय फुटबल के रियारआ जोबथाबाय। मिथिनाय बादिब्ला इंग्लेन्ड फुटबल हान्जानि जानानै गेलेनायनिफ्राय आजिरा लानायनि उनाव फेगो 2023 माइथायसिम डेरबे क्लबआव अरायथा मेनेजार म्हरै बिबान सामलायनो गोरोबथा जाबाय। रुनेआ गावनि फुटबल गेलेनाय केरियारखौ मुलुगनि गुबुन गुबुन क्लबफोरजो लाबोदोमोन। मुलुगनि गेजेरावनो रुनेआ गुबुन सासे गोखें गेलेगिरि आरो बांसिन गल होनो हानाय गेलेगिरि म्हरैबो मिथिसारजादो। 35 बोसोर बैसोन रुनेआ बेनि सिगां मेनचेस्टार इउनाइटेड क्लबनि जानानै गोलाव बोसोर गेलेनायनि गेजेराव केपेन बिबानखौबो सामलायदोमोन। प्रिमियार लीगआव गोलाव बोसोर गेलेबोनानै रुनेआ



गावनि रोगोथिनि गेजेरजो डेरबे क्लबनि मेनेजार म्हरै बिबान सामलायनो थियारि जाबाय। गावनि गोदान मिजिं आरो थांखिनि गेजेरजो रुनेआ गोदान क्लबाव मेनेजार म्हरै बिबान मोन्नायखौ गोजोन्नाय फोरमायो। रुनेआ बुडेदि, बे क्लबाव साफ्रोमबो गेलेगिरिफोरनो फेनो हागोन आरो बिसोरनि थाखाय

क्लाबनि दरखड जेब्लायबो गेवलाडे थागोन होन्ना नै बुडे। रायखांनो गोनांदि, 2004 माइथायवा जेब्ला रुनेआ 18 बोसोर बैसोयावनो इभाटन क्लबनि जानानै गेलेनो खाबु मोन्दोमोन आरो बे क्लबनिफ्राय मेनचेस्टार इउनाइटेडआव फेनानै गोलाव बोसोर गेलेनायनि गेजेराव गासै 253 गलखौ होनो

हानाय मोनसे रेकर्ड जानानै थादो। रुनेनि गेलेनायजो इउनाइटेड क्लबआ 5 थि खेब प्रिमियार लीग, खेबसे एफए काप, खेबथाम लीग आरो थांनाय सिजनआव इउरप लीगखौ देरहानो हानायनो बिनि गेलेनायनि रायखांजाथावना जानानै थादो। बेनि अनगायैबो इंग्लेन्ड फुटबल

हान्जानि जानानै रुनेआ गेलेनायाव गोबां मेचफोरखौ देरहाबोनो हानायनो रायखांजाथावना जादो।

# हादतखौ गोग्गाहोनाय गेलेगिरिफोरनि मुंजो साइखौ गोदान फोजौखांगोन: रिजिजु

गोदान दिल्ली, 17 जानुवारी: मिरुनि गेलेमु बिफननि मन्थि किरिन रिजिजुआ बुडेदि, हादतनि गेजेराव थानाय स्पर्टस अटरिफिट अफ इन्डिया सुंदयै साइनि गोदान फोजौखांनयनि थांखिजो गनायथिनाय जादोदि, हादतनि थाखाय गेलेनायजो गोग्गाथाव खालामनाय गेलेगिरिफोरनि मुंजो साइखौ गोदानै फोजौखांगोन। गुबुन फार्सेथि साइआ मिथिहोदोदि, हादतनि आगुनि गेलेगिरिफोरखौ मान होनायनि मुखव बिसोरनि मुंजो साइआव लाखिनाय जागोन। मख'नो गोनांदि, लक्ष्मोआव नेसनेल सेन्टर अफ एक्सलेन्स, भुपालआव नेसनेल सेन्टर एफ एक्सलेन्स, सनिपतआव नेसनेल सेन्टर एफ एक्सलेन्स, गुवाहाटीयाव गोदान साइनि ट्रेनि सेन्टर फसंथानखौ गोदानै



लुफु नाय जागोन। बेफोर फसंथाननि मुंजो आगुनि गेलेमा गेलेगिरिफोरनि मुडाव लाखिनाय जागोन होन्ना नै साइआ मिथिहोयो। बे आयदानि सायावनो मिरुनि गेलेमु बिफननि मन्थि किरिन रिजिजुआ बुडेदि हादतयाव गेलेमुनि हारिमुखौ गोसारहोनायनि थांखिजो भारत सरकार गुबुन गेलेमुनि थाखाय गोदान फसंथानफोर बानायफुनो लादो

आरो बे फसंथानफोरनि मुंजो हादत गोग्गाहोनाय गेलेगिरिफोरनि मुडाव लाखिनाय जागोन। मन्थि रिजिजुआ बुबावोदि, भारत सरकार गासै गेलेगिरिफोरनि गेलेनाय बिथिडाव जौगाखांहोनायनि हेफाजाब होनाय जादो। फेबाय थानाय समाव हादतनि गेलेमु हारिमुआ बांसिन गोसारगोन होन्ना नैबो मिथिहोयो।

## बिसिसिआइनि एपेक्स काउन्सिलनि गोनांथार जथुमनाय मेल



गेलेनायखौ हादतयावनो खुंनयनि फार्से सावरायनाय जायो। सुलुनि बादिब्ला फेगो 11 फेब्रुवारीयाव 14 थि सिजननि थाखाय हान्जाफोरा गेलेगिरिफोरखौ निलामआव लानो हानायनि थांखि लानाय जादो। आइपिएलनि काउन्सिलआ मोनफ्रोमबो हान्जा एबामोन 8 हान्जाफोरखौ फेगो 21 जानुवारीनि सिगां गेलेगिरिफोरनि फारिलाइखौ जमा होनो खावलायनायबो जादो। मख'नो गोनांदि, कभिड-19 नि जाहोनाव थांनाय 13 थि सिजननि आइपिएल गेलेनायखौ इउनाइटेड आरब इमारेट हादतयाव खुंनय जादोमोन। नाथाय फेगो सिजननि आइपिएल गेलेनायखौ हादतयावनो खुंनो थाखाय बे जथुमनाय मेलयाव सावरायनाय जादो होन्ना नै बिसिसिआइनि बिबानगिरि सुलुडा मिथिहोयो।

गोदान दिल्ली, 17 जानुवारी: भारतीय क्रिकेट कन्ट्रोल बोर्ड सुंदयै बिसिसिआइनि एपेक्स काउन्सिलनि दिने मोनसे गोनांथार मेल जथुमनाय जायो। बे जथुमनाय मेलयाव गुबुन गुबुन गेलेमु आयदाफोरखौ लानानै सावरायलायनाय जादो। सुलुनि बादिब्ला रन्जि ट्रफी गेलेनायखौ लाफानायजो लो गोसे इन्डियन प्रिमियार लीगनि 14 थि सिजननि

गेलेनाय आरो माखासे मोन 7 आयदाफोरनि सायावबो सावरायलायनाय जादो। बिसिसिआइनि सुलुडा मिथिहोनाय बादिब्ला हादतनि गोजाम क्रिकेट बादयलायनाय रन्जि ट्रफीखौ सोलिफु बोसोरनि फेगो फेब्रुवारी दानाव खुंनो हागौ। बेनि अनगायैबो सैयद मुस्ताक आलि क्रिकेट टूर्नामेन्टनि थाखायबो सावरायलायनाय जादो। बिसिसिआइआ आइपिएलआव गेलेनाय हान्जानि

अन्जिमाखौबो बांसिन खालामनो थांखि लादो। सुलुनि बादिब्ला फेगो 2022 निफ्राय आइपिएलआव मोन 10 हान्जाखौ गेलेहोगोन। अदेबानि मोनफ्रोमबो हान्जानि मेच गेलेनायाबो बांसिन जागोन। सावरायनायाव आइपिएलखौ लानानै बिसिसिआइनि एपेक्स काउन्सिलआ बांसिन गोसो होदो आरो फेगो समनि आइपिएलनि गेलेनायखौ लानानै सावरायनायजो बे सिजननि

## बिसिसिआइनि एपेक्स काउन्सिलनि गोनांथार जथुमनाय मनिपुरनि गलकफार धिराज सिं मायरांतामखौ एफसि गवाआ गेलेनो गोरोबथा खालामबाय



इम्फल, 17 जानुवारी: इन्डियन सुपर लीग सुंदयै आइएएसएलनि गुबुन मोनसे हान्जा एफसि गवाआ मनिपुर राइज्योनि दावगाफुनाय लाइमोन गलकफार धिराज सिं मायरांतामखौ गेलेनो थाखाय गोरोबथा खालामबाय। मख'नो गोनांदि, बेनि सिगां धिराज सिंआ एटिके महन बागान क्लबनि जानानै गलकफार म्हरै गेलेगासिनो दडमोन। नाथाय मनिपुरनि लाइमोन गलकफारखौ ट्रेन्सफरनि गेजेरजो फेगो 3 बोसोरनि थाखाय एफसि गवाआ गोबां धोननि गेजेरजो गोरोबथा खालामनाय जायो। धिराज सिंआ एल इन्डिया

फुटबल फेडरेशननि सिडव थानाय इन्डियन एर' हान्जानि जानानै गावनि गेलेनायखौ जागायजेन्दोमोन। बेनि अनगायैबो भारत हादतयाव खुंनयनाय आन्डार-17 फिफा वर्ल्ड कापआव भारतनि लाइमोन हान्जानि गलकफार म्हरैबो गेलेखांबाय। बे वर्ल्ड कापआव धिराज सिंनि बल हमनाया साफ्रोमबो फुटबल आन्सायारिफोरनि नोजोराव गोसलैदो। गेलेनायाव रोगोथि थानाय आरो राफोद देहानि थाखाय धिराजखौ 2019 माइथायनि फिफा वर्ल्ड काप क्वालिफायर मेचखौ आफगानिस्तान आरो अमान हादत हान्जानि हेंथायै गेलेनायाव भारतनि हान्जायाव गलकफार म्हरै थिसन्याय जादोमोन। बेफोर मुलुगनां फुटबल मेच गेलेनायाव गावनि गोखेंथिखौ दिन्थिनो हानायजो धिराज सिंआ थांनाय 2018 माइथायाव केरेला क्लास्टास एफसिनि जानानै आइएएसएलआव गेलेजेनो खाबु मोन्दो। बे क्लबाव माखासे बोसोर गेलेनायनि उनाव मनिपुरनि गलकफारआ एटिके महन बागान क्लबाव गेलेनो खाबु मोनफिनो। बेनि उनावनो फेगो 3 बोसोरनि थाखाय एफसि गवाआ धिराज सिंखौ गलकफार म्हरै गेलेहोनो गोरोबथा खालामबावदो।

## अस्ट्रेलियान अपेननि गेलेनाया खैफोदाव

(टूर्नामेन्टनि सिगां साथाम गेलेगिरिफोरनि देहायाव कभिड पजिटिभ)

मेलबर्न, 17 जानुवारी: बोसोरनि गिबिसिन टेनिस गेलेमुनि ग्रेन्ड स्लेम टेनिस टूर्नामेन्ट अस्ट्रेलियान अपेननि गेलेनाया फेगो फेब्रुवारी दाननिफ्राय जागायजेनगोन। मुलुगनि साफ्रोमबो गेलेगिरिफोरा बोसोरनि गिबि अस्ट्रेलियान अपेन ग्रेन्ड स्लेमआव बाहागो लानो थांखिजो दासान्दि गेलेनायनि फार्से साखा-फारा जानानै दड। नाथाय अपेननि गेलेनाया जागायजेनयनि सिगांनो गेलेगिरिफोरनि देहायाव कभिड पजिटिभ मोन्नाया साफ्रोमबो गेलेगिरिफोरखौ गिखांहोनाय खालामदो। अदेबानि अस्ट्रेलियान अपेनया बे समाव खैफोदनि गेजेरजो सोलिगासिनो दं। टूर्नामेन्टनि जागायजेनयनि सिगांनो साथाम गेलेगिरिनि देहायाव पजिटिभ केस मोन्नो हानायनि अनगायैबो दासान्दि



मुलुगनि माखासे गोखें टेनिस गेलेगिरिजो लो गोसे सा 47 गेलेगिरिफोरखौ क्वारेन्टेनआव लाखिनाय जादो। मुलुगनां आइजो टेनिस रॅकिनि बारग' सेथि गेलेगिरि भेक्टरिया आजारिकाखौ कभिड पजिटिभ मोन्नायै क्वारेन्टेनआव लाखिनाय जादो। गुबुन फार्सेथि अस्ट्रेलियान अपेननि गेलेनाया गेजेराव माखासे सानल' दंसे। बे टूर्नामेन्टनि गेलेनाया फागो 8 फेब्रुवारीनिफ्राय जागायजेनगोन। कभिडनि सांग्रांथिखौ मोन्नायै दासिम

सान उनफिनायजो फेब्रुवारी दानाव खुंफिनो थांखि लायो। गेलेनायनि सिगांनो कभिडनि गोसारनो हमनाय थासायखौ नोजोर होनानै मुलुगनि साबेसे गेलेगिरिफोरा बाहागो लागोन बेनि सायाव फेगो समासो फोरमायगोन। गुबुन फार्सेथि माखासे गेलेगिरिफोरा सिगां समावनो कभिडनि गोसारनायखौ नोजोर होनानै अस्ट्रेलियान अपेनाव बाहागो लाया होन्ना नै फोसावनाय जादो। दासान्दि अस्ट्रेलियान अपेननि थाखाय फाहामगिरि हान्जाखौ सांग्रांडे खालामनाय जादो आरो साफ्रोमबो बाहागो लानो थियारि जानाय गेलेगिरिफोरखौ कभिड टेस्ट खालामनायबो जादो। अस्ट्रेलियान अपेननि थाखाय दासान्दि कातारनि देहायाव क्वालिफायिं टेनिस मेच गेलेनाया सोलिगासिनो दं।

## ब्रिसबेन ब्रैथि टेस्ट मेचयाव भारतया गिबि इनिंसआव 336 रान खालामदो

ब्रिसबेन, 17 जानुवारी: भारत आरो अस्ट्रेलिया क्रिकेट हान्जानि गेजेराव सेथि, नैथि आरो थामथि टेस्ट मेचखौ गेलेखांनयनि उनाव दासान्दि ब्रिसबेन क्रिकेट ग्राउन्डयाव ब्रैथि टेस्ट मेचखौ गेलेनाया सोलिगासिनो दं। ब्रैथि टेस्ट मेच एबा सिरिजनि जोबथा मेचखौ गेलेनाया दिने थामथि सानाव सोलिगासिनो दं। अदेबानि अस्ट्रेलिया क्रिकेट हान्जाया सिगां बेटिं खालामनानै गिबि इनिंसआव गासैबो उइकेट खोमाना 369 रानखौ खालामनो हायो। अस्ट्रेलियानि बेबायदि रान खालामनो हानाय थार्गेटनि फिनायाव भारतनि हान्जाया मेयानिफ्राय गेलेबोनायजो दिने थामथि सानखालि गासै 336 रानखौ गिबि इनिंसआव खालामनो हायो। अदेबानि भारतया अस्ट्रेलियानि खालामनाय रानजो रुजुनो



हायैयाव अस्ट्रेलियाआ 54 रानखौ आवगायनानै दं। दासान्दि अस्ट्रेलिया हान्जाया नैथि इनिंस गेलेबाय थानायार भारतनि हेंथायै रान खालामनाया आवगायगसिनो दं। मख'नो गोनांदि, भारतनि हान्जायाव गोदानै गेलेनो खाबु मोन्नाय सार्दुल ठाकुर आरो वाशिंन्ट सुन्दरनि गेलेनाय पाटर्सिपआ मोनसे रायखांजाथावना जादो। अदेबानि मानोना बिसोर सानैनि गेलेनायनि रान खालामनायजो

भारतया अस्ट्रेलियानि हेंथायै गोखें गेलेनो हानायखौ दिन्थिनो हायो। बुंनो थाडेब्ला भारतया ब्रैथि टेस्ट मेचखौ देरहानो थांखिजो दासान्दि बलिं आरो बेटिं मोनै बिथिडवबो गोखेडेदिन्थिनो हानायखौ नुनो मोन्दो। भारतनि हान्जाया बे मेचखौ देरहानो हायोब्लानो मोनब्रे मेचनि टेस्ट सिरिजखौ देरहानो हागोन। बे सिरिजआव गेलेबोनाय गिबि मेचखौ अस्ट्रेलिया हान्जाया देरहानो

हानायनि उनाव भारतया नैथि मेचखौ देरहानो हाफिनायजो समान-समान खालामनो हायो आरो थामथि मेचखौ मोनै हान्जानि गेजेराव इ जायो। अदेबानि दासान्दि गेलेबाय थानाय ब्रैथि टेस्ट मेचखौ जाय हान्जाया देरहागोन बेनो बे सिरिजखौ देरहानो हागोन। नाथाय दिनेनि गेलेनाय थामथि सानसिम मोनैबो हान्जाया समान-समान गेलेनाय गोखेंथिखौ नोजोर होयोब्ला बे मेचया जोबथायाव इ जाहैगोनखौ नुहरदो। नाथाय अस्ट्रेलियानि फार्से ब्रैथि मेचखौ देरहानायनि बांसिन खाबु दड। बे बिथिडव भारतनि हान्जायाबो उनफिनायै थायाखे। मानोना जायखि-जाया समावनो भारतनि बलारफोरा मेचनि फिथाइखौ सोलायहोनो हानायनि रोगोथि आरो गोहो दड।